

御製大誥三編

御製大誥三編序

朕為臣民有不善者往往造罪淵深及其犯也法司究問情弊顯然以其弊也弊甚多端以其情也情甚姦深由是法司原情擬弊凡律所該載者各隨所犯備施五刑如此者非一年矣其姦頑之徒未嘗肯格心向善良民君子每被擾害終無一歲優閒朕才疎德薄控馭之道竭矣遂於洪武十八年冬十一月首出大誥前編以示臣民其誥一出良民君子欣然遵奉惡人以為不然仍蹈前非者疊疊不旋踵而發覺發覺速者為何為良民君子知前誥之精微一心欽

遵有所怙恃乃與姦惡辨所以強凌人者衆暴人者以計量致賺人者設諸不正邪謀之徒專以此為良善之害者一施即為良善之所擒所以發覺之疾也所以良善之志伸矣含冤者漸少然無藉姦頑尚不知善良秉大誥以除姦頑設心無知輕生易死犯若尋常上累朝廷用刑之慘下滅身家若此者又非一二人朕慮不忍以續編再出警省愚頑使毋仍蹈誥出良民一見欽敬之心如流之趨下巨惡之徒尚以為不然中惡之徒將欲遷善而不能云何以其惡已及人盈于胷懷著于耳目矣終被善良所擒朕觀若

是斯二誥于民間良民君子坦然無憂伸於諸惡之上其姦頑之徒屈於善良之下雖不死者終是囚徒以前二誥良民君子欽遵有益人各獲安迹來兇頑之人不善之心猶未向化朕復出誥以三示之姦頑敢有不欽遵者凡有所犯比誥所禁者治之嗚呼良民君子之心言不在多其心善矣兇頑之徒雖數千萬言終不警省是其自取也此誥三頒良民君子家傳人誦以為福壽之寶不亦美乎洪武十九年冬十有二月望日序

御製大誥三編目錄

凡四十三條

一臣民倚法為姦

二進士監生不悛

三公侯佃戶

四沽名肆貪

五空引偷軍

六違誥縱惡

七李茂實胡黨

八陸和仲胡黨

九指揮林賢胡黨

十秀才剝指

十一作詩誹謗

十二造言好亂

十三蘇州人材

十四兵舉有司

十五馮獻累貪不悛

十六逃囚

十七縣官求免於民

十八遞送潘富

十九官吏長押賣囚

二十巡關害民

二十一著業牌

二十二醫人賣毒藥

二十三安慶解課

二十四團槽喂驢

二十五王子信害民

二十六私牙礪民

二十七農吏

二十八揭籍點吏

二十九王錫等姦弊

三十工匠頂替

三十一代人告狀

三十二詭名告狀

三十三有司逼民奏保

三十四民拿害民該吏

三十五庫官收金

三十六民違信牌

三十七朋姦匿黨

三十八戴刑肆貪

三十九御史劉志仁等不才

四十排陷大臣

四十一拖欠秋糧

四十二驛丞害民

四十三頒行三誥

御製大誥三編

臣民倚法為姦第一

於戲世有姦頑終化不省有若是且如朕臣民有等姦頑者朕日思月慮籌計萬千務要全其身命使揚祖宗顯父母榮妻子貴本身共安天下之民朕所設一應事務未嘗不穩一一盡皆的當其不才臣民百般毀壞不行依正所行故意亂政壞法自取滅亡往如此數百數千矣故入此姦頑終了殺身者莫知其數且如朕為布政司府州縣并軍職衙門恐各官吏才力不及特設良法使行之其法已定其法已良

有等不才姦頑故意妄生枝節擾亂使上不能清其事官吏人民易為作弊及至事發使彼自清簿書少減輕其罪當此之時意在求生其心切切及其理也自亦莫能知是亂之極也嗚呼其貪心勃然而起迷其真性造惡如此雖欲自求生路亦也不能況朝廷及他受害者如府州縣官不能朕設良法使安其祿位其常熟縣秋糧四十萬石有零教糧長三十餘名掌之臨催糧時省會三十餘名人糧辦已本以大戶為糧長掌管本都鄉村人民秋夏稅糧其官吏見法正且清難為作弊却乃設計亂法其亂法之計將糧

長不許管領本都鄉村納糧人戶調離本處或八九
十里一百里指與地方使為糧長者人戶不識鄉村
不知其本都本保及鄰家錢糧却又指他處七八十
里百十里人來管辦務要錢糧不清田地不真易為
作弊如此擾害細民朕將原設三十餘名糧長革去
從本縣并各處有司設法自辦其常熟官吏用六百
有零星長催辦其為首者既多姦民乘此其弊紛然
常熟縣官莫能誰何加以自取肥己一旦發露官吏
殺身姦民又罪若干皆亂政壞法自取也初為上司
輕易虐辱所屬朕命不許凡有合行事務公文往來。

必欲事成其所屬建昌縣知縣徐願等恃倚朕命二十次四十次三十次十七八次不答應致使公事有妨如此亂法事覺皆處以極刑盡是沮壞安身之法自取殺身之禍如民人亂法朕見府州縣官吏苦民極甚特不許有司差人下鄉有司官吏亦不許親自下鄉法已行官吏守者且有一半民甚安矣有等恃倚誥文非理抗拒有司里甲糧長不肯趨事赴工以致家破人亡者多矣嗚呼姦頑之徒難治扶此彼壞扶彼此壞觀此姦頑雖神明亦將何如今將各各所犯條列于後觀者戒之

一建昌縣知縣徐願為本縣夏稅違限不納本府帖下催督二十八次恃頑不答却乃詭生巧計暗令納戶黃文搭等赴所納倉分虛買通關事發刑部差旗軍張觀音保等提取本官將刑房吏喻俊輕隱藏暗圖賄賂接受鄧子富等三名鈔四百餘貫脫放各人却令吏房吏徐文政抄批支吾是後本縣官吏二十餘日不於正門出入潛於後門往來各軍等候日久不見提到每日止於縣前伺候忽見抄批吏徐文政拿住欲同赴京本官發怒故將

各軍羅織搶入縣廳跪問誣以直行正道於
縣門下監鎖內三名脫歸面奏前項事情本
官聞知纔將原監鎖軍人跡放及至坐提本
官又行令弟徐二舍會集老人張克成等七
十餘人至京妄保行至江北止分四十二人
赴京妄訴官有政事如此姦狡百端凌遲示
衆

一松江府知府李子安為欽差旗軍傅龍保等十
五名到府抄扎犯人計三家財提取賊吏夏
時中等三名比對勘合之後李子安不與旗

軍知會私自將計三家抄扎剋落家財作弊
又將夏時中等三名受財賣放各軍因見弊
多欲帶該吏張子信赴京回話本吏將鈔十
貫相送被各軍送到本府封記李子安慮恐
各軍到京發其姦貪却乃將帶本府吏典皂
隸人等搶奪該吏回去及將旗軍傅龍保等
十二名收監又三名走脫欲行赴京其知府
李子安與守門鎮撫閉門邀截回還鎖禁五
十餘日自知非理朦朧妄申都察院定奪都
察院著令解院施行其李子安又行設計却

將旗軍解赴府軍前衛以致事發凌遲示衆
一江浦縣知縣楊立為欽差旗軍到縣追徵胡黨
李茂寶鹽貨事知縣楊立每日於各里長家
飲酒其江浦去京止隔一江本官並不以公
務為重及見旗軍催督追鹽本官先與給事中
勾端面約故不答應却用掌記書寫事情
差阜隸送至給事中勾端家勾端接入房內
備寫緣由仍令阜隸將回傳遞消息別無上
司明文却稱我於給事中處計得分曉來了
如今不要追鹽每引止折鈔四貫如此結交

近侍欺罔朝廷事發凌遲示衆。

一。甘泉縣知縣鄭禮南等為催徵洪武十八年欺隱稅糧事。本府四十八次帖下催徵本縣並不荅應。又為追徵賊糧賊銀等事。累催不見次第。本府委自知事李固親到本縣著追其知事到於撫安驛安歇。再三令人喚知縣鄭禮南主簿婁本前來取招。鄭禮南不服。婁本出驛將領祇禁二十餘人。將知事李固扯去紗帽。拏住頭髮。再三揉辱。喝令祇禁搶去監禁。如此頑惡凌蔑上司。罪可容乎。

一。開州同知郭惟一不畏國法。惟務設計。賊貪害民。本州耆宿董思文等再三勸諭。本官如今大誥頒行。務要安民。官人不可如此。其同知郭惟一發忿。嗔怪耆宿董思文等。因此赴京陳告。其同知郭惟一率領祗禁人等。將耆宿董思文邀截回州。收監在禁。監死董思文一家四口。以致董思文姪董大赴京告發。其郭惟一梟令示衆。

一。德安縣丞陳友聰。通同里長唐祐等。欺隱茶株。不行踏勘。接受本人羅綸布共十匹。鈔八十

貫本府帖下二十七次提取縣丞抗拒不服
及府委推官坐提却行會集吏典弓兵里長
茶戶周鼎等三十餘人將推官等搶掣入縣
喝令打死勿論隨即幫縛枷杻拘監却寫奏
啓本差典吏易達禁子馮興等管押陳推官
等九名赴京遮掩前非及至憲司差喻承差
同本府知府黃維清前去追提又行會集周
鼎等將門把住自執錢義拒敵肆惡如此凌
遲示衆

一。定陶縣知縣劉正為按察司追徵贓鈔事移文

一十七次本縣不行答應因差禁子陳良并
兗州府差禁子李仕成到縣坐追賊鈔四千
七百八十貫知縣令兵房吏趙謹將酒一瓶
雞一隻與各人飲喫各人說稱知縣不行追
徵賊鈔却送雞酒來知縣却說你喫也不追
徵不喫也不追徵後因拿承差阜隸陳良等
鎖收在禁行枷杻手起解又行商量我不曾
追得賊鈔起他不曾坐公廳騎官驢若到京
我縣家有罪因分付長押中途放了我只不
要他告狀便了如此姦頑罪可容乎。

一萊陽縣丞徐坦為勾軍事府帖一十一次下縣催勾徐坦與兵房吏劉英等受贓一百貫不行挨勾及至本府差典吏董志禁子杜黑馬到縣提勾官吏却誣董志等為馳當道入正門枷杻赴京聞知本府具奏纔將軍丁張玉山勾解塘塞凌遲示衆

一。溧水縣主簿范允為抄扎姦黨張名善家財本縣頑民湯希悅等隱匿抄扎財物冒告文引私下通與張名善盤費以致民人霍進等到縣告發其主簿不以隱匿抄扎家財為重却

行受要湯希悅等鈔四百貫紅綾二匹泯滅其事向後霍進等欲行赴京陳告又令湯希悅等邀截回還故意受賊不理却敢稱說便告我也赦我三箇死罪他每不要本縣來住致被霍進等告出前情如此怙恩肆惡梟令任所

一嘉定縣民蒲辛四一戶分為三戶大誥未頒時蒲辛四充耆宿將常礪要里民周祥二錢物大誥頒行蒲辛四畏懼告發父子三人將周祥二幫縛家內用油浸紙撚挿於周祥二左

足大指二指兩間逼令招為害民弓兵嗚呼
民有不良者如此父子三人分作三戶名開
戶不開其蒲辛四充耆宿一男充里長孫充
甲首皆為鄉里之害及至將周祥二幫縛赴
京通政司驗問是有火燒瘡腫蒲辛四語言
妄對拿下問出前情梟令示眾籍沒其家

一嘉定縣民沈顯二詐稱魚湖頭目與鄰人周官
二將積年害民里長顧匡幫縛赴京行至蘇
州閭門耆宿曹貴五勸和沈顯二接受鈔一
十五貫紬一匹銀釵銀鐲等物就行脫放顧

汪畏懼再後事發親自赴京出首者宿曹貴
五聞知奉人欲首我係勸和人必相連累隨
與一同赴京出首其民人周官二一聞此事
畏懼首發亦行赴京出首其沈顯二聞此三
人赴京星夜趕至淳化鎮意在一同出首其
周官二曹貴五顧匡設計却將沈顯二幫縛
面奏至通政司沈顯二扭脫在逃周官二曹
貴五又行設計却將原拿里長顧匡仍前幫
縛赴通政司告通政司審問顧匡係你同伴
拿人的人你如何拿他周官二言說顧匡本

是我每原拿的人沈顯二受財脫放我等各人畏懼事發一同赴京出首不期沈顯二續後趕來我等一見沈顯二到却將沈顯二作贖人財物幫縛前來故意隱下前情今沈顯二扭脫在逃我等又将原拿顧匡幫縛首告嗚呼民有姦頑者若是所設計謀尋常語言說出來人也早晚不能曉解其計似此姦頑四人皆梟令示衆籍沒其家

一歸安縣楊旺二明知本都里長攢造文冊雇倩良民文阿華在家書寫甲首盛秀二助勞係

是辦集公事並無科歛害民情由却乃姦貪
恣惡將文阿華盛秀二幫縛拿至安吉縣地
面私自監禁一月百般欺詐銀鈔等物脫放
各人為無人保領還家心恐事發仍將各人
拿來如此排陷小民肆姦玩法梟令示衆

一安吉縣民金方佃種本縣民潘俊二田一畝六
分兩年田租不行交還其潘俊二赴金方家
取討本人反行嗔怪發狠將潘俊二作害民
豪戶幫縛要本人黃牛一隻猪一口宰請
衆人飲喫又行虛勒要潘俊二已收田租并

不賣鴈要牛隻文書三紙然後將潘俊二幫縛前來如此鴈害良民臬令示衆。

一。崇德縣民李付一等見充本縣里甲為起夫於沿海地面築城防倭擾民生理二次牌勾故意抗拒不答俱各在逃本縣批差甲首王辛三勾喚李付一稱說待我宰羊賽願同你赴縣辦事因設計詐請王辛三飲酒醉後將本人作害民甲首幫縛赴京言稱王辛三鴈我羊酒飲喫如此誣誑各人凌遲示衆。

一。烏程縣民余仁三等二十九名係本縣富民游

茂玉佃戶游茂玉為見水灾余仁三等各各
缺食將自己糧米俵借各人食用其余仁三
等不行備辦交還却嗔游茂玉取討因結搆
頑民一百餘人至游茂玉家將本人房屋門
戶俱各打碎游茂玉為見兇頑潛躲他處余
仁三等於游茂玉家搜出原借米文約其糧
長問益亦在其中同惡相濟將原借米文約
唱名俵還各戶又於游茂玉家箱籠內搶出
銀四十五兩鈔七十五貫首告買免又將游
茂玉家山羊二隻宰殺賽神却將游茂玉作

豪民幫縛赴京如此兇頑除將余仁三閔益嚴三保等梟令示衆其餘各人發化外充軍家下人口遷發化外。

一。歸安縣民慎右三等明知本都民人許福三張勝四係是民害自合即拿赴京却不合指以幫縛民害為由恐嚇許福三等財物致被福三等逃避因將許福三房屋門戶毀壞雞鵝羊酒私宰羣飲詣神祈卜然後將許福三等拿來行至上元縣土橋又行設計逼令本人虛寫借米四十七石文約一紙與我我只將

你作幫廂名色拿去免致臬令抄扎行至通濟門外又行設計將所拿二人分作二起妄告冒請賞給以致被拿人告發免死發廣西拿象人口遷于化外。

一歸安縣民戴興四等為恃頑不納秋糧里長陳勝佑雇倩農民丘華一前到伊家催取其戴興四等嗔怪本人到家取索却將丘華一作幫廂拿來致被通政司審出前情免死發廣西拿象全家抄扎人口遷于化外。

一蘇州府吳縣糧長於友本係胡黨數曾犯法面

刺死因隱送同罪。本人因與胡惟庸通謀。其
弟於名職內藏庫官掌管錢帛偷盜庫藏財
物已發。寧夏充軍。本人亦發鳳陽屯種。後本
人將隱送同罪四字起去。還鄉復業。充洪武
十八年糧長。至十九年。本區內里長盛宗欲
行赴京陳告本人胡黨事。其於友將本人邀
回。置禮求免。略得少暇。却率家人及鄰里分
使胡惟庸錢物者沈草六等二十名。將里長
盛宗作害民弓兵幫縛赴京。朕親面見。其里
長盛宗從前分訴於友為惡緣由。黨弊昭然。

於是命法司發回本貫臬令示衆籍沒其家。
進士監生不悛第二。

嗚呼為人子不才徒勞父母鞠育慈愛之心莫甚於
進士監生王本道等三百六十四名。且如父母養兒
女也。初無兒女。纔覺有孕。夫妻不勝之喜。月分既足。
得生男子。以為大喜。女生亦為之喜。既生百日之間。
酣睡中。時或為之笑。父母視之亦為之喜。將週或肚
踢音或擦行。或馬跑音。有時依物而立。父母尤甚歡
情。然而鞠育之勞。正在此際。所以父母之勞。憂近水
火。以其無知也。設若水火之近。非焚則溺。冬恐寒逼。

夏恐蟲傷。四時增減衣服。調理憂勤。勞於父母。豈一言而可盡。今王本道等。不能推父母之慈情。立志在於祿位。顯揚祖宗。豐奉父母。而乃姦計日生。殺身之道。數履在近者。每朝面諭。姦迷其心。頑不肯遵。選行者。諭之尤甚。人各面從心異。朕言如水。人心如石。沃之既久。未見少潤。加以鑄鑿。未見成文。不能化者。有如是耶。王本道等。將前所說父母之勞。數十年燈牕之苦。不數月。一時盡喪。嗚呼。君子觀之。豈不惜哉。志士豈不恨乎。且諸生年幼。況初入仕。凡有所犯。必免之。更免以待成人。獨王本道等。兩犯不悛。至於四犯。

由是雖有一犯者不得不誥之天下。今將各生所犯名題于首。緊註于足。所在志士賢人君子。目此以推心。成人於悠久。立名於天地間。未知聽乎。

四犯

死罪

進士

王本道

任刑部主事一次淹禁終極難長身。元歲徒罪還職一次受賊二百貫。貳校罪還職一次水安受鈔五十貫。一次受賊六十貫。禁死原告處決。

三犯

死罪

進士

二犯
死罪

進士

羅師貢

任監察御史一次為水災受贓流罪還職一次為水災受贓一百貫絞罪還職一次受贓故出選授實封李典史死罪廢決

劉輻

任光祿司署丞一次為水災受贓四十七貫五百文黨流罪還職一次為水災受贓一百一十七貫絞罪還職一次赴落官鈔九十三貫剽掠書寫

陳宗禮

任監察御史一次為茶稅朝政黨新罪還職一次為膠臘奏替監生作新監生誅故黨新罪還職

張暈

任監察御史一次為受贓十貫出死罪黨砌城安習罪還職一次為受贓二百十貫絞罪還職

李招

任監察御史一次為水災受鈔五十貫衣服一件黨流罪還職一次為變亂成法黨新罪還職

黃健

任戶部主事一次為水災受鈔三十五貫青紵線一匹黨流罪還職一次為水災受鈔九十貫絞罪還職

徐誠

任刑部主事一次為水災受鈔三十七貫五百文袍衫一領黨徒罪還職一次為水災受銀一十兩計前贓黨絞罪還職

龐守文

任刑部主事一次為受贓五十貫賸贓委作贓斬罪還職一次為受贓九十貫賸贓罪還職

李巽

任工部主事一次為水災受鈔四十貫賸徒罪還職一次為受贓五百五十貫賸絞罪還職

凌輅

任漢陽府知府一次為水災受鈔浦斤鈔十貫賸徒罪充書吏一次為授求楚王細事杖一百賸死罪還職

孫翥

任嘉定縣丞一次為水災受鈔二十貫銀五兩賸流罪由給事中政除今職一次為水災受鈔五百六十七貫五百文綵紵絲一段該絞追職

向寶

任兵部員外郎一次為水災受銀五兩又教秦昇安奏贓流罪還職一次為水災受鈔五百六十七貫五百文綵紵絲一段該絞追職

蔡玄

任給事中一次為水災受鈔四十貫衣服一件賸流罪降除長洲縣丞一次為空押差批受鈔四百貫賸絞罪降除兩淮都察院副使

張山

見授浙江書吏一次為水災受贓五十貫賸流罪還職一次為水災受鈔四十貫二喬蓋一軸計前贓賸絞罪降充書吏

葉耀

見授浙江書吏一次為水災受贓五十貫賸流罪還職一次為水災受鈔四十貫計前贓賸絞罪降充書吏

陳郁

任刑部主事一次為穿黃色衣服賸斬罪還職一次為受贓成法為從減等流罪還職

龐清

任揚州府試知府一次為水災受贓四十貫賸徒罪降充書吏今任一次為欽差旗軍時帶該吏赴京強行奪回贓斬罪還職

王朴

任監察御史一次為水災受贓一百貫戴絞罪還職一次為姦頑誹謗不辦事處決

辛民

任工部主事為水災受鈔二十貫銀五兩戴徒罪還職一次為受買炭等鈔五百五十貫該斬追職

徐彥和

任監察御史一次為水災受贓戴罪還職一次為故禁平人致死處決

張翥

任吳江知縣一次為水災受鈔六十貫綿布一匹靴一雙戴流罪還職一次為阻當者宿身人赴京戴斬罪還職

周從善

任吳江縣丞一次為水災受鈔五十貫戴流罪還職一次為阻當者宿身人赴京戴斬罪還職

趙泰

任阜平縣丞一次為水災受銀二十兩鈔二百五十貫衣服四件戴絞罪還職一次為水災受鈔三百四十貫銀五十兩羅布六匹就任延職戴罪

監生

田斌

任監察御史一次為脫放逃囚受贓一百三十貫銀十四貫戴絞罪由毫縣主簿及除今職一次為受贓八十貫減輕陳至善罪名戴斬罪還職

蹇煜

任太平府經歷一次為水災受鈔三十貫銀二兩戴徒罪請書今仕一次為受贓擅自巧立委給名色罪該梟令

鍾道玄

任監察御史一次為聽宋正心設計通本曹吳等拉承戴一百安置罪還職一次為受贓八十貫減輕陳至善等罪名戴斬罪還職

王克順

任監察御史一次為先潛水灾受鈔八十貫戴流罪還職一次為受鈔八十貫減輕入罪該斬

黃克庸

任江浦縣水一次為科欵交鈔五十貫戴流罪還職一次為受鈔一百一十貫該絞

流罪

進士

魏安仁

任嚴州府同知一次為詐冒丁受黨徒罪發充書吏一次今任為故出人罪黨罪降除前源縣典史

李伯冲

任旌德縣主簿一次為水灾受鈔三十貫戴徒罪還職一次為監支月糧交鈔四十八貫戴流罪還職

萬質

任監察御史一次為巡按失職戴一百安罪還職一次為受賊四十貫陷害軍官戴一百安罪還職

胡寔

任刑部主事一次為禁死無格糧長戴徒罪還職一次為受賊五十貫故禁平人致死為使減等戴流罪還職

高冲

任刑部主事一次為禁死無格糧長戴徒罪還職一次為受賊五十貫故禁平人致死為使減等戴流罪還職

監生

一犯

死罪

進士

徐敏

任萬寧縣丞為解課受鈔一百一十貫戴絞罪還職

魏惟古

任吏科給事中為水災受鈔一百貫并衣服等物戴絞罪還職

王牧

任沙河縣丞為水災受鈔六十貫銀十兩戴絞罪還職

陳綬

任刑部主事為水災受銀十五兩鈔二十五貫青紵絲一匹戴絞罪還職

彭慶

任工部郎中為水災受鈔八十兩戴絞罪還職

何鳴

任刑部郎中一次為淹禁囚死戴徒罪還職一次為變亂成法為從

盛如英

任安鄉縣丞一次為舉保人材不當戴絞罪還職一次為科歛鈔三百貫戴絞罪還職

田忠

任兵科給事中為水災受鈔八十貫戴絞罪還職

董蔭

任兵部主事為選武官受職一百五十貫作弊戴死罪還職

樊士信

任兵部主事為水災受鈔一百貫戴絞罪還職

王進

任刑部主事為受鈔五十貫朦朧奏准戴斬罪還職

林同

任刑部主事為受鈔五十貫朦朧奏准戴斬罪還職

鄧偉奇

任刑部主事為受鈔五十貫朦朧奏准戴斬罪還職

顧謚

任工部員外郎為水災受鈔六十五貫銀五兩半羊皮靴一雙綠綾圍帽一領戴絞罪還職

楊居正

任監察御史為不公等事受鈔三百貫戴絞罪還職

卓閏

為賭水災受鈔三十七貫五百文銀七兩五錢木綿衣服一件免死發金滿充軍

海永清

為賭水災受鈔三十七貫五百文銀七兩五錢木綿衣服一件免死發金滿充軍

袁宗弼

任昌寧縣丞為水穴受銀八十貫絞罪還職

陳至善

任來安縣丞為科歛民錢邀截買封該斬禁錮書寫

石岳

任麻城縣丞為秋糧受銀八百六十八貫絞罪還職

陳迪

任刑科給事中為受解銀入銀一百五十貫絞斬追職

王恪

任繁峙縣丞為水穴受銀八十貫絞罪還職

張紳

任太康縣丞為科歛民錢邀截買封該斬禁錮書寫

楊新

任杞縣丞為科歛民錢邀截買封該斬禁錮書寫

魯望

任陵水縣丞為科歛民錢邀截買封該斬禁錮書寫

句端

任刑科給事中為交通江浦知縣楊立作弊處斬

陳迪

任刑部主事為以按察較長鴉酒漏泄事情處斬罪還職

鄧祐

任定襄縣丞為進課結交近侍戴忤罪還職

姚復

任工部郎中為受盜賣官炭鈔四百五十貫追贓

高起

任工部員外郎為受盜賣官炭鈔四百貫追贓

張善同

任茶陵縣丞為分課程鈔三百貫戴斬罪還職

陳善生

任光祿司監事為水火節次受鈔九十五貫戴絞罪還職

楊克紹

任刑科給事中為盜劫合費因處決

應孟呂

任兵科給事中為選武官作弊處決

吳淵

任庶吉士為詐傳旨意作弊處決

李忠

任壽陽縣知縣為解課盜用鈔五百貫戴斬還職

錢巽

任電白縣丞為造課程用受銀七兩鈔五十五貫戴絞罪還職

龐安

任刑部主事為受鈔八十貫戴絞罪還職

程士箴

任監察御史為具本變亂成法戴斬罪還職

余瑒

任金華府通判為水災受鈔八十貫戴絞罪還職

陳基

任徽州府推官為受鈔九十貫發出人罪戴絞罪還職

劉觀

任大名縣丞為水災受鈔六十五貫銀五兩皂羊皮靴一雙紅綾圍裙一
領戴絞罪還職

高成

任陽江縣知縣為解課科鈔九十貫入已戴絞罪還職

魯瞻

任工部主事為賣放人匠受鈔四百二十貫戴絞罪還職

邵思恭

任刑部主事為具奏變亂成法戴斬罪還職

謝謙

任益都縣丞為受鈔七十貫擅投無勘合行移戴法淫罪還職

監生

張友端

任宿松縣知縣為盜鈔一百貫圖領三件戴絞罪還職

李登

任宿松縣主簿為盜官價鈔六十五貫戴斬罪還職

高巍

為水災受鈔三百二十貫戴絞罪發江西按察司書吏

陳德宣

任新喻縣丞為賊紳事受鈔二百一十貫戴絞罪還職

傅溫

任泰州知州為伸訴事受鈔五百貫戴絞罪還職

胡桐

任陽城縣主簿為盜鈔一百三十貫戴絞罪還職

郭選

任刑部司務為受禁通鈔五十貫戴絞罪具奏免判砌城戴斬罪還職

丘岳

為通姦因婦漏泄事情免死工役

譙克貞

任金華府同知為違話下鄉擾民處決

何璵

任嵯縣知縣為違話下鄉擾民該斬

陳慶

任賢城縣知縣為水災受鈔一百二十五貫戴絞罪還職

汪銓

任餘縣知縣為水災受鈔一百五十貫戴絞罪還職

張煥

為差往山西盤糧受鈔一百六十貫銀十兩絹六匹戴絞罪還職

俞文

任安邑縣主簿為因公擅用綿布一百六十六匹受鈔七十貫戴絞罪還職

邵克敬

任州府給事中為交通江浦縣知縣楊立作弊該斬

王智

任東安縣知縣為燒毀寶昌井買重作輕該斬禁錮書寫

彭壽

任林縣知縣為水災受鈔一百二十五貫戴絞罪還職

元俊民

任陽事官為受鈔九十貫故出人罪戴絞罪還職

鄧繼先

任建德縣主簿為受劉蘭友等鈔二百貫戴絞罪還職

曾觀生

任都昌縣丞為娶妻等事受賕一百六十貫戴絞罪還職

林謙祿

任豐縣主簿為解課等事受贓二百十貫又行宿娼戴絞罪還職

張福生

任宜興縣丞為受鈔五百貫不行追贓戴絞罪還職

黃宗名

任宜都縣丞為分受銀二十兩放保極刑尤吏戴絞罪還職

李海

任本鹿縣丞為解課料鈔二百十貫入已戴絞罪還職

車德

任任縣城縣主簿為受官吏過名四進官不同真化緣由戴斬罪還職

李亨

任洛化縣主簿為分受課鈔八十貫戴斬罪還職

申瑩

任萬泉縣主簿為受鈔一百貫脫放民害戴絞罪還職

歐遷

任丹陽縣主簿為編排糧長地方變亂成法戴斬罪還職

胡子巽

任合州縣丞為秋糧事受鈔一百十貫戴絞罪還職

劉志聰

任桃源縣主簿為受鈔六十貫捏合指呈虛應具府戴斬罪還職

陳必文

任陽春縣丞為解計受鈔七十五貫銀五兩戴絞罪還職

袁子玉

任開建縣丞為解課受鈔九十貫戴絞罪還職

沈養

為查黃冊將山小帖漏泄事情戴斬罪請書

尹玄

任縣事官為受指揮何聚鈔六十貫銀十三兩戴絞罪還職

謝載

任戶部司務為填批不關勘合戴凌遲罪還職

王璵

任南城縣丞為分文賊銀七十兩戴斬罪還職

樊暹

任兵部主事為選武官扶同作弊戴斬罪還職

竇禮

任吏部司務為揭籍點吏作弊戴斬罪還職

張招

任吏部司務為揭籍點吏作弊戴斬罪還職

郭真

為覆賑水灾受鈔一百貫圓領衫三件戴絞罪還職

閻文

任吳縣主簿為阻當宿拿自同赴京戴斬罪還職

劉溥

任桐城縣主簿為秋糧分受鈔一百五十貫戴絞罪還職

杜用

任曹縣知縣為賣放積年民害等事受鈔一百五十貫及阻當者凡赴京奏事處斬

李淪

任曹縣主簿為受鈔四百四十九貫銀四十五兩絹三十匹出人罪名處絞

尹福護

任儀真縣丞為受贓三十貫枉問軍職戴斬罪還職

田疇

任海門縣知縣為受周寬等鈔二百九十五貫戴絞罪還職

徒流罪

進士

陳仲述

任監察御史為其本變亂成法為從減等戴流罪還職

李義

任刑部主事為其本變亂成法為從減等戴流罪還職

徐復

任刑部主事為具本變亂成法為從戴流罪還職

黃德安

任監察御史為受贓五十貫故出人罪戴流罪還職

馬通

任監察御史為故出人死罪戴流罪還職

嚴震

任監察御史為巡按失職戴一百安置罪還職

胡本

任宜君縣丞為水災受鈔五十貫戴流罪還職

任勵

任刑部主事為水災受鈔六十貫戴流罪還職

劉文貴

為水災受鈔三十貫銀四兩戴流罪還職

李子清

任吉水縣丞為水災受鈔五十貫銀五兩戴流罪還職

郝知微

任諸城縣丞為水災受鈔六十貫戴流罪還職

仇益

任監察御史為水災受鈔一百貫并水物均分入已戴流罪還職

厲宗義

任刑部主事為相因受鈔五十貫戴流罪還職

張敏

任監察御史為水災受鈔七十五貫戴流罪還職

許靈

任天津縣丞為馬草料鈔五十貫戴流罪還職

聶以大

任監察御史為水災受鈔五十五貫戴流罪還職

楊志銘

任戶部主事為水災受鈔四十五貫免杖流發金齒充軍

何魯

任監察御史為巡按失職貳百安宜罪還職

閻察

任監察御史為受賊故出人死罪戴流罪還職

宋點

任監察御史為受賊故出人死罪戴流罪還職

熊政隆

任宣化縣丞為水災受鈔六十貫戴流罪還職

宋仁桂

為堵水災受鈔五十貫免杖流發金齒充軍

甘友信

為諸水災受鈔六十貫免杖流發雲南安昌

趙剛

任華亭縣丞為水災受鈔四十貫衣服一件戴流罪還職

衛俊明

任監察御史為水災受鈔四十五貫免杖流發金高亢軍

張軌

任戶部主事為水災受鈔六十貫戴流罪還職

王順德

任光祿司署水為水災受鈔七十五貫免杖流發雲南安昌

張義

任光祿司監事為水災受鈔五十貫戴流罪發充監生

程以善

任監察御史為水災受鈔五十貫戴流罪還職

張敏德

任監察御史為水災受鈔五十貫戴流罪還職

彭仁俊

任戶部主事為水災受鈔五十貫銀二兩五錢戴流罪還職

沈志遠

任監察御史為水災受鈔五十貫銀二兩五錢戴流罪還職

陳洵仁

任刑科給事中為水災受鈔六十貫綿布一匹靴一雙戴流罪還職

周成

任監察御史為水災受鈔三十貫銀四兩戴流罪還職

謝思義

任監察御史為水災受鈔六十貫戴流罪還職

姚傅

任監察御史受鈔四十貫衣服二件靴一雙戴流罪還職

曾玉

任興業縣丞為解課受鈔七十貫戴流罪還職

黃敬中

任龍泉縣丞為城隍事受鈔七十貫戴流罪還職

周月華

任靈寶縣丞為水災受鈔五十貫戴流罪又為伊父結交官吏抄

朱瞻

任承勅郎為水災受鈔三十貫銀五兩戴流罪還職

項復

任承勅郎為水災受鈔五十貫衣服一件靴一雙戴流罪還職

周弼

任監察御史為監支軍糧受鈔五十貫戴流罪還職

蔡瑛

任戶部主事為監支馬料受鈔五十貫貳派罪還職

李濬

任蘭溪縣知縣為杜監事受鈔七十五貫貳派罪還職

徐宗武

任憲縣丞為水災受鈔七十五貫貳派罪還職

姚文洪

任刑部主事為相四屍受鈔六十貫貳徒罪還職

程顥

任州城縣丞為水災受鈔五十貫貳徒罪還職

譚子英

任工部主事為水災受鈔五十貫貳徒罪還職

韓毅

任平山縣丞為水災受鈔四十貫貳二丈貳徒罪還職

張瑩

任賀縣丞為水災受鈔四十貫貳三丈貳徒罪還職

丁麟

任監察御史為水災受鈔二十貫銀五兩靴一雙貳徒罪還職

齊肅

任監察御史為水災受鈔十五貫綿布一匹貳徒罪還職

黃維清

任九江府知府為水災受鈔十五貫綿布一匹戴徒罪還職

張和

任監察御史為水災受鈔三十貫戴徒罪還職

陳益

任監察御史為水災受段絹綿衣服等物戴徒罪還職

衛善初

為踏水災具奏詐不以實戴徒罪發充書吏

王蒙

為覆踏水災回奏詐不以實戴徒罪發充書吏

王肅

任戶部主事為迷失官文書免杖徒發雲南充軍

應宗義

任戶部主事為迷失官文書免杖徒發雲南充軍

劉宗海

任監察御史為水災受鈔二十五貫紵絲一匹戴徒罪還職

王遜

任上高縣丞為水災受鈔二十五貫紵絲一匹戴徒罪還職

王璫

任容縣丞為受買果照戲鈔四十貫銀三兩戴徒罪還職

李烜

任刑部主事為禁死無招賴長戴徒罪還職

孫仁

任史料給事中為直入宮殿中門戴徒罪還職

金惟一

任監察御史為言災受鈔四十貫戴徒罪發充書吏

周原

任辰州府推官受賈求寬限鈔三十貫戴徒罪還職

陳順

任順昌縣丞為獄掣糾鈔一百貫入已戴徒罪還職

陳順成

任監察御史為受鈔五十貫拒死囚人六名戴罪還職

任靖

任刑部主事為料豆事妄奏不實戴徒罪還職

王恒

任監察御史為水災受鈔四十貫戴徒罪還職

監生

劉文璞

任武寧縣丞為查城磚分受鈔七十八貫戴流罪還職

張淵

任監察御史為先踏水災受鈔八十貫戴流罪還職

虞震

為踏水災受鈔八十貫戴流罪讀書

楊熊

任監察御史為先踏水災受鈔一百五十貫紵絲一匹半戴流罪還職

潘恒

任斷事官為具本變亂成法為從減等鈔流罪還職

武用文

為踏水災受鈔八十貫戴流罪讀書

吳範

為踏水災受鈔八十貫戴流罪讀書

吳德貴

任臨安縣丞為踏水災受鈔八十貫戴流罪還職

劉福

任黃縣知縣先為水災受鈔八十貫戴流罪還職

張文中

任東平州同知先為水災受鈔八十貫戴流罪還職

連洪

任清平縣知縣先為水災受鈔八十貫戴流罪還職

全潤

任垣曲縣知縣先為水災受鈔八十貫竊須罪還職

田振

任樂安縣丞先為水災受鈔四十貫銀二兩半竊徒罪還職

龍存仁

任福寧縣知縣先為水災受鈔六十貫銀四兩竊流罪還職

徐泰

任孟津縣知縣先為水災受鈔八十貫竊流罪還職

丘野

任監察御史為具本變亂成法為從減等竊流罪還職

顧一舉

任白容縣主簿為水災利鈔五十貫入已竊流罪還職

李忠

任監察御史為具入下水不救竊一百安置罪還職

吳敬

任監察御史為具入下水不救竊一百安置罪還職

陳嘉言

任唐縣知縣先為水災受鈔八十貫竊流罪還職

王慥

任渾源州同知先為水災受鈔六十貫銀四兩杖一百派三千里砂城

楚惟善

任揚州府推官為受鈔五十貫同謀藥死人免杖流工役

常慶

任泰州判官為受鈔五十貫將被藥死人扶同檢屍免杖流砌城

歐陽岳

任黃岩縣知縣先為水災受鈔八十貫戴流罪還職

張復禮

任溧水縣知縣為受鈔五十貫免杖流砌城

南榮甫

任監察御史為伸訴不問杖一百安置

劉憲

任刑部員外郎為受鈔五十貫將囚鎖問杖錯脚本部書寫

柴愚

任盱眙縣主簿為將許家未過門女作犯人具抄扎戴流罪還職

單貴

任盱眙縣主簿為將許家未過門女作犯人具抄扎戴流罪還職
本官的名貴孫係進士出身

趙安養

任崇陽縣丞為受鈔五十貫故縱逃軍戴流罪還職

孫勵

任夏津縣主簿為受鈔六十貫買免運庄戴流罪還職

李益

任靜樂縣主簿為開納秋糧受鈔六十貫戴流罪還職

陳鳳

任雄縣丞為糾紂里長鈔六十貫戴流罪還職

孫讓

任黎城縣丞為開糧受鈔七十五貫戴流罪還職

劉鐸

任蘭溪縣主簿為告私鹽受鈔七十五貫戴流罪還職

李震

任山陰縣丞為那移官錢戴流罪還職

彭惟中

任臨清縣知縣先為水災受鈔一百貫紆絲一匹戴流罪還職

崔郁

任安邑縣知縣先為水災受鈔一百貫紆絲一匹戴流罪還職

黃燧

任衛輝府同知為先踏水災受鈔一百十六貫戴流罪還職

賀遜

任工部司務為賣放人匠受鈔七十貫戴流罪還職

蕭嗣源

任邵武府通判先為水災受鈔七十五貫戴徒罪還職

李平

任陝州同知先為水災受鈔三十五貫紵絲一匹戴徒罪還職

曹恒

為踏水災受要糧長衣服妄奏戴徒罪讀書

金鑄

為踏水災分受鈔三十貫銀二兩戴徒罪讀書

王著

為踏水災受鈔三十五貫銀二兩五錢戴徒罪讀書

錢宗

為踏水災受鈔三十五貫銀二兩五錢戴徒罪讀書

田禮

為踏水災受鈔二十五貫銀二兩五錢戴徒罪讀書

吳德淵

為踏水災受鈔三十五貫戴徒罪讀書

苟平

為踏水災受鈔二十貫銀三兩帽一項戴徒罪讀書

溫鐸

為踏水災受鈔三十五貫戴徒罪讀書

張經

為踏水災受鈔三十五貫戴徒罪讀書

李義

為踏水災受鈔五十貫靴一雙戴徒罪請書

景源

為踏水災受鈔四十貫戴徒罪請書

劉永

為踏水災受鈔四十貫戴徒罪請書

熊弼

為踏水災受鈔四十貫戴徒罪請書

龍佐

為踏水災受鈔二十五貫銀二兩五錢戴徒罪請書

商善

任沂水縣丞為踏水災受銀五兩戴徒罪還職

楊達

任曲周縣主簿為水災受銀五兩戴徒罪還職

盧英

任禮科給事中為先踏水災受鈔四十貫銀二兩五錢條一條戴徒罪還職

張澤

任監察御史為先踏水災受鈔三十貫銀五兩衣服一領戴徒罪還職

黃紹祖

任刑部郎中先為水災受鈔五十貫布衫一領條一條戴徒罪還職

王全

任辦事官先為水災受鈔六十貫戴徒罪還職

索岳

任袁州府推官先為水災受銀五兩戴徒罪還職

白消

任定襄縣知縣先為水災受銀五兩戴徒罪還職

丁湘

任錦水衛知事先為水災受銀四貫衣服一件戴徒罪還職

劉俊

為踏水災受妻衣服并物戴徒罪還職

宛賢

任廣昌縣丞為水災受銀三十貫盤纏銀九十貫戴徒罪還職

蒙遜

任浦江縣知縣先為水災受銀五十貫銀四兩錢衣服并物戴徒罪還職

習文真

任邊安縣知縣先為水災受銀五十五貫銀四兩戴徒罪還職

彭子安

任水康縣知縣先為水災受銀六十五貫銀二兩五錢戴徒罪還職

吳奎

任禮部司務為爭早種麥對不實戴徒罪還職

馬伯馴

任成武縣知縣先為水災受銀四兩鈔五貫戴徒罪還職

楚溫

為踏水災受鈔三十四貫戴徒罪發充書吏

黃楨

為踏水災受鈔三十貫銀二兩戴徒罪讀書

鄧思恭

為踏水災受鈔三十貫銀二兩戴徒罪讀書

馬宗魯

為踏水災受鈔三十五貫戴徒罪讀書

龔文志

為踏水災受鈔五十貫戴徒罪發充書吏

孫景賢

為踏水災受鈔五十貫戴徒罪發充書吏

高昇

為踏水災受鈔四十貫戴徒罪讀書

王會同

為踏水災受鈔四十貫戴徒罪讀書

程鵬

為踏水災受鈔四十貫戴徒罪讀書

牛麟

為踏水災受鈔四十貫戴徒罪讀書

畢昱

為踏水災受鈔四十貫戴徒罪除蘇州府推通判

蘇清

為踏水災受鈔四十貫戴徒罪除泗州推同知

潘奎

為踏水災受鈔四十貫戴徒罪讀書

王寧

為踏水災受鈔五十貫戴徒罪讀書

趙通

為踏水災受鈔五十貫戴徒罪讀書

王謙

為踏水災受鈔五十貫戴徒罪讀書

高鼎

任密雲縣知縣為水災受鈔五十貫戴徒罪還職

王訥

為踏水災受鈔五十貫戴徒罪除廣南府通判

劉嘉

為踏水災受鈔四十貫戴徒罪除越州同知

徐德芳

為踏水災受鈔三十七貫五百文戴徒罪讀書

李華

任福安縣知縣先為水災受鈔四十二貫五百文戴徒罪讀書

趙鐸

為具奏不實工役在逃被獲釋放為民

姚福貴

任鄴都縣知縣先為水災受鈔三十七貫五百文戴徒罪讀書

于淵

為踏水災受鈔三十貫戴徒罪讀書

崔通

為踏水災受鈔三十貫戴徒罪讀書

鄧廷秀

為踏水災受鈔三十貫戴徒罪除雲南黑鹽井提舉

穆通

為踏水災受鈔五十貫戴徒罪除順德府推官

馬驥

為踏水災受鈔二十貫戴徒罪發充書吏

陳順民

為踏水災受鈔五十貫戴徒罪除岢嵐州同知

張克允

為踏水災受鈔四十貫載徒罪除開封府經歷

索亨

為踏水災受鈔三十貫載徒罪除松江府經歷

張遜

為踏水災受鈔四十貫載徒罪聽差

喬幹

為踏水災受鈔四十貫載徒罪讀書

楊允

為踏水災受鈔布衣服等物載徒罪發充書吏

馬祥

為踏水災受鈔布衣服等物載徒罪發充書吏

崔燦

為踏水災受鈔布衣服等物載徒罪發充書吏

王視遠

為踏水災受鈔布衣服等物載徒罪發充書吏

朱茂

為具稟房屋不實免校徒工役

呂宗敬

為踏水災受鈔二十貫載徒罪除蘇州府推官

王觀

為踏水災受鈔三十貫戴徒罪除蘇州府知府

李俊

為踏水災受鈔三十貫戴徒罪除充蘇州府吏

呂昭

為踏水災受鈔四十貫戴徒罪除臨安府同知

張彬

為踏水災受鈔二十貫銀二兩帽一項戴徒罪讀書

董珪

為踏水災受鈔三十五貫戴徒罪讀書

王洪

為踏水災受鈔三十二貫五百文戴徒罪讀書

姚遵

為具膠房屋不實免杖徒工役

陳政

為水災受鈔四十貫戴徒罪讀書

徐寬

為踏水災受鈔四十貫戴徒罪讀書

王亨

為踏水災受鈔二十貫免杖徒准工

秦昭

為踏水災受鈔二十貫免杖徒工役

粟如才

為踏水災受鈔三十貫戴徒罪讀書

尹旻煥

為踏水災受鈔三十二貫五百文戴徒罪讀書

楊煦

為踏水災受鈔三十二貫五百文戴徒罪讀書

王希文

為踏水災受鈔三十二貫五百文戴徒罪讀書

陳禮

為踏水災受鈔三十二貫五百文戴徒罪讀書

丘思齊

為踏水災受鈔三十二貫五百文戴徒罪讀書

李宏

為踏水災受鈔三十二貫五百文戴徒罪讀書

康本

為踏水災受鈔五十二貫戴徒罪讀書

徐曷

為踏水災受鈔三十二貫五百文戴徒罪讀書

張翥

為踏水灾受鈔三十二貫五百文戴徒罪請書

沈常

為踏水灾受鈔二十一貫五百文戴徒罪請書

李翽

為踏水灾受鈔三十貫衣服一件靴二雙戴徒罪請書

王昶

為踏水灾受鈔二十貫衣服一件靴二雙戴徒罪除蘇州府經歷

王政

為踏水灾受鈔十貫衣服一件靴二雙戴徒罪請書

郭詡

為踏水灾受鈔十貫衣服一件靴二雙戴徒罪請書

龔克威

為踏水灾受鈔二十貫通鑑四本網中二箇靴二雙戴徒罪請書

馬驥

為踏水灾受鈔二十貫書四本網中二箇靴二雙戴徒罪請書

吳鵬

為踏水灾受鈔十貫衣服一件靴二雙戴徒罪請書

袁敬先

為踏水灾受鈔三十貫靴二雙衣服二件戴徒罪請書

李默

為踏水災受鈔四十貫戴徒罪讀書

白懷素

為踏水災受鈔十貫具奏不實戴徒罪讀書

李煦

任曲沃縣主簿為秋糧料鈔入已五十貫戴徒罪選職

劉鳳

任祁陽縣知縣為水災受鈔四十貫靴條等物該徒

江秉彝

任辰州府同知為水災受鈔六十五貫銀二兩五錢該徒

賈彬

為踏水災受鈔五十貫免秋徒工役

曾文祿

任來安縣主簿為李達身死事戴徒罪選職

武科

任新城縣丞為抄札事戴徒罪調除烟瘴地面

易仁富

為啓遷葬不實戴徒罪讀書

孫英

任金瓶縣知縣為具報不實戴徒罪選職

劉翀

任全椒縣主簿為具啓不實戴杖一百還職

杖罪

進士

張公宣

任監察御史為酒醉直行東安門正道戴杖八十罪還職

林龜年

任揭陽縣丞為枉道回家詭寄田地戴杖一百罪還職

張端

為踏水灾受醵酒等物戴杖八十罪發充書吏

陳權

任奉化縣丞為提人下鄉擾民戴杖一百罪還職

監生

彭瑛

任魏縣知縣為不合聽教諭澤居恭使請端灾進主戴杖八十罪還職

馮敬

為不合受一般監生糾辦灾源查冊戴杖八十罪請書

韓毓

任桂陽縣主簿為不合失機馮敬查丹戴杖八十罪還職

馮端

為爭占房屋戴杖八十罪讀書

張顯

為爭占房屋戴杖八十罪讀書

熊良

任留守右衛知事為糧斛給批致被令吏作弊戴杖八十罪還職

溫鐸

任池州府經歷為托病在家貪書奏啟本戴杖八十罪還職

趙公超

任武長縣主簿為不行舉從抄出八口戴杖八十罪還職

張大初

任湖州府通判為監替巡關事戴杖八十罪還職

馬宗魯

任蘭溪縣丞為不與發放紀錄杖八十罪還職

任白

任府軍衛知事為實冬布將無印長單進庫戴杖二百罪還職

宋立

為酒醉毀罵衛士笞四十別用

嗚呼進士監生。本志士之學人各聰明及其管事也。貪婪姦頑之心並作。朕嘗憂念以為惜哉。遂於大班中竭氣語諭之再三。必欲諸進士監生立志成人。特以目前居官有效者指示而激勸之。如通政使蔡瑄。左通政茹瑄。戶部侍郎楊靖。工部侍郎秦達。皆同時由進士監生而登顯職。各官乃能率職以稱朕心。其操也恪遵先聖先賢之道。故能伸於群職之上。惟夙夜在公而已。所以其家稅糧不供差徭不役有司吏卒。無有登門者。其各家祖父伯叔年高者朝涉田園。以為樂。撫兒孫以為歡。或有居市者隨其所以而遂。

其情上無差科之擾下無鄰里相欺之患如此指示諭之終不能化王本道等三百六十四名愈見姦貪終不從命三犯四犯而至殺身者三人二犯而誹謗殺身又三人姑容戴罪在職者三十人一犯戴罪者三百二十八人嗚呼忘人君子觀此可不為之戒乎勸乎。

公侯佃戶第三

公侯世祿佃田人戶往往不肯與民一例當差此誥一出今後一切雜泛差役一體應當敢有不當者全家遷發化外管莊人阻當管莊人嚴斬有司聽從囑

託分付一體處斬且公侯佃田人戶秋夏二稅辦納之際比之衆民甚是易辦凡收糧之時各府遣人詣莊所催督衆戶送赴交納並無刁蹬留難淋尖跌斛及上倉蘆席腳錢諸等使用並無比之衆民減輕多矣若再不與衆民一體當差定遷化外其管莊人倚恃公侯之家上設朝廷下謾本官假以各官佃戶為由擅隱當差人民入己者處斬的不虛示

沽名肆貪第四

布政司官府州縣官為非者莫甚於常州府同知王復春青州府知府陳希文且如同知王復春先任宜

興縣主簿言常州府官差人下縣及鄉擾害官民。訴甚有理。朕即命禮部差人齎朕制諭及酒醴以勞。即陞常州府同知。不半年餘。本官姦完並出。親自下鄉臨民科擾。青州府知府陳希文本官先任安慶府懷寧縣丞。深知指揮畢寅。係是昔亂係民砦主。其寅無厭之心。廣侵民地。寅聞民已告赴縣。意在囑託。希文欲圖賄賂。執大義以斥之。想必有賂。不期賂未至。府官不才。已受寅之囑託。府官代寅囑希文。希文不滿。因執大義以責之。朕聞之。遣使以勞勅諭勵焉。至朝。即陞青州府知府。到任之後。不逾年。差阜隸著令臨。

胸等三縣需索糯米蒸籠鞍轡靴轡等物此物皆非
各縣官吏已有之物設使必欲應答民受科矣若此
不已上下交征民無寧息以此觀之前者陽為君子
陰為小人青州事覺其罪安可逃乎所以枷項諸衙
門封記差人互適有司遍歷九州之邑已而復罪所
在官者熟讀而戒慎之毋蹈前非

空引偷軍第五

所在官民凡有赴京者往年往往水陸赴京人皆身
藏空引及其至京臨歸也非盜逃軍而回即引逃囚
而去此弊甚有年矣今後所在有司敢有出空引者

受者皆梟令籍沒其家。關津隘口及京城各門盤獲到空引者，賞鈔十錠。齎引者罪如前。拿有司同罪。有等齎正引赴京，引本十人，至京之日存留五名，假作營生，餘五名或偷囚或偷軍頂名而去。他日引後至正名方歸，惟江西之民有等頑者，其姦尤甚。本引已偷軍囚去矣，却乃故行哀憐，赴官陳告，同行將引先去，致曾以道等無引而歸。該司憐其所以徑給引以往，如此數等犯者已數人。今後敢有如此者，梟令於鄉間籍沒其家，成丁家口遷于化外。

違誥縱惡第六

為大誥出久鎮江坊甲鄰里人等坐視容縱韋棟等
一十八名上惑朕聽歸則把持官府下虐良民養惡
為一郡之殃束手不擒韋棟等事發將坊甲鄰里盡
行責罰搬石砌城其費有空其家者有之有不能存
活者有之有不及搬運石塊而逃死者有之嗚呼比
若是而得罪何不依大誥擒惡赴京一則受賞二則
立良民之名於一郡使有司畏懼不敢輕易虐害而
頻科抑且去同惡相濟之聲其坊甲鄰里姑息坐視
者有之同惡相濟者亦有之以致耗財之役不免所
在城市鄉村見此為戒之依朕命而行之太平矣

李茂實胡黨第七

鎮江新港李茂實係胡黨人數初未知茂實乃胡黨由上元縣民孫才四沒胡惟庸門下說誘鄰里鄉民暗為義兵胡惟庸伏誅本人逃竄直至十九年於沙縣客店內事發將至京師詢問本人本人供稱與鎮江李小官畏懼黨事漏泄假商在外不敢還鄉所以著令法司行下鎮江督令搜索李小官家屬數次不獲忽淫婦嚴阿周赴法司訴訟因而訐出李茂實係李小官父提取李茂實到官招供明白洪武九年見胡惟庸於惟庸家飲酒西廳宿歇明日胡惟庸令李

茂實領大銀一百三十箇用車推赴船所裝運至本家遂作大商支益二十萬引嗚呼李茂實無知不守已分樂

天之樂朕君也茂實富民也家本不缺用富且有餘不能報

天地陰陽之恩猶敢捨朕生殺予奪之主而投門下把持官府欺壓良善惡貫神人所以出幼者皆誅之是怒及神人也

陸和仲胡黨第八

蘇州府吳江縣糧長陸和仲當十八年糧長其年水

災民田。朕謂諸糧長曰。今年水為民患。低下之田必傷。爾等歸明白查踏。親自回奏。熟者輸納稅糧。災者以憑賑濟。設有包荒蠲派移址換段不行。推收過割并積荒田地。以憑開除。以憑正收作數。凡所聽者糧長人等。不下數百餘名。人各不聽朕命。歸則邪謀設計。將無藉之民。妄為狀首。伸訴水災。糧長竟不出名。亦不親詣災所。故行以一分災傷作十分報官。其中以熟作荒者多。以荒作熟者少。比比皆然。未有無者。及至差進士監生人等親詣查踏。其糧長豪猾之民。各備資財段匹靴襪冠帽衣服金銀鈔錠。說誘進士

監生人等。朦朧作災來聞。准其奏待災民來賑。久而不至。行下有司。催併其催併之詞。命戶部謂有司曰。有產之家不賑。無產之家佃戶人等領赴京來。其有司通同作弊。乃敢回文曰。據各戶所申。人各有田。不多。皆非無田之戶。係是有產之家。不敢受賑。嗚呼。賊心所迷。不知自己造罪淵深。亦不知民患有此。所以殺身進士監生。初出為人。未有不中此浸潤而污名者也。初本糧長。及有司不行執正主張。故生貪心。累及人多甚矣。所以不敢將民賑濟者。為何。災已報十分。所災者止有一分。若以全災將至賑濟。熟田之家。

良民安肯為之。熟田之家良民人等既不准此。其罪發矣。所以茲頑不肯將至。正欲謾良善。隱熟田。所以災及災民。終無賑濟。無可伸訴。嗚呼。如此之徒。其身家吉昌。果有此乎。未久。蘇州府吏楊復罪。該斷沒籍沒家私。於本家箱內搜出告胡黨狀三紙。原告沈慶童等三名。告黨陸和仲三番。告黨皆被此吏受財匿狀不行。以致陸和仲以一千貫買原告沈慶童等不語。又鈔一千六百貫買和勸人陸觀保等。因事之發。驗陸和仲所納糧。其糧一萬石上倉止。該七百石。尚有九千三百餘石。恃頑託故不行上倉。意欲侵欺入

已因黨事發身亡家破嗚呼惡人造罪終不自已直
候殺身方止家破人亡智者詳觀

指揮林賢胡黨第九

前明州衛指揮林賢帥兵守禦以備東海所任之職
務在精操士卒倣古名將務要軍民安妥使境內外
無虞竭忠事上顯揚父母貴其身名榮及妻子同諸
將名書史冊垂年不朽豈不偉哉本官出海防倭接
至日本國王使者歸廷用入貢方物其指揮林賢移
文赴都府都府轉奏朕命以禮送來至京其歸廷用
主事既畢朕厚賞令歸仍命指揮林賢送出東海既

歸本國。不期指揮林賢當在京隨駕之時，已與胡惟庸交通，結成黨弊。及歸廷用，歸胡惟庸遣宣使陳得中密與設計。今林指揮將歸廷用進貢船隻，假作倭寇船隻，失錯打了分用。朝廷賞賜，却乃移文中書，稟胡惟庸佯言奏林指揮過，朕責指揮林賢就貶。日本居三年，胡惟庸暗差廬州人充中書宣使李旺者，私往日本，取回就借日本國王兵餉，作進貢來朝。意在作亂。其來者正使如瑞、藏主左副使左門尉右副使右門尉，率精兵倭人帶甲者四百餘名，倭僧在外。比至胡惟庸已被誅戮，其日本精兵就發雲南守禦。

洪武十九年。朕將本人命。法司問出造反情由。族誅了當。嗚呼。人臣不忠者如是。且昔者天下大亂。有志有德者。全民命。全民居。無志無德者。焚民居而殺民命。所過蕩然一空。天下群雄以十數為之。其不才無志者。誠有七八。惟姑蘇張士誠。雖在亂。雄心本智。為德本施仁。柰何在下。非人兄弟。不才事不濟於偃兵。然而相從者。父母妻子當歸我之時。各各見存。其餘從諸雄者。十七八年間。日遷月播。略無寧息。以其妻之說。朝為己妻。暮為他人之所有。若此者。互相生離。後嗣不能立。父母不能奉。不幾年。諸來從朕者。一夫

之後再無異居。妻室為之已有。男女歲為之生產。祖宗後嗣已立。天下大定。守在四夷。其指揮林賢年將六旬。又將輔人為亂。致黔黎之不寧。傷生所在。豈不得罪於

天人者乎。遂於十九年冬十月二十五日。將賢於京師。大中橋及男子出幼者皆誅之。妻妾婢之。

秀才剝指第十

廣信府貴溪縣儒士夏伯啓叔姪二名人各截去左手大指。拿赴京師。朕親問之。謂曰。昔世亂汝居何處。對曰。紅寇亂時。避兵于福建江西兩界間。曰家小挈

行乎對曰奉父行曰既奉爾父行上高山峻嶺下深溝陡澗還用手扶持乎曰扶持曰自後居何處曰紅寇張元帥守信州伯啓還鄉復業曰向後何如曰教學為生至今朕知伯啓心懷忿怒將以為朕取天下非其道也特謂伯啓曰上古自伏羲至于黃帝少昊至于顓頊高辛無文可考知大槩者堯禪舜舜禪禹禹傳家湯放桀武王伐紂自此秦漢至于隋唐宋元天更其運祚者非一帝爾所以一家之祚不能千年者何蓋為孰子孫皆能奉

天勤民不致

上帝憂民之患以更運乎所以更運者爲其人君不稱天心而致然也。且人之生。父母但能生其身體而已。其保命在君。雖父母之命。非君亦不能自生。況常云人有再生父母。何謂再生父母。人本非罪。偶遇大殃而幾死。或遇人而免。所遇之人不分老壯而出幼者。但能回生於將死之期。是謂再生父母。所以偶遇大殃而幾死者。何或路逢強賊。或坐家被劫。或讐害暴相侵路。逢虎狼墮於水火。於此得濟者是謂回生之期。年雖蒼顏皓首。中此禍殃。自出幼而至壯者生之。是謂再生父母。何以見命於此際。本絕矣。自此而復。

生。命若初生矣。所以常云再生父母。宜其然乎。爾伯
啓言紅寇亂時。意有他忿。至于

天更歷代。列聖相傳。此豈人力而可為乎。今爾不能
效伯夷叔齊去指以食粟。教學以為生。恬然不憂凌
暴家財。不患人將爾身。將何怙恃。伯啓俛首默然。噫
朕謂伯啓曰。爾所以不憂凌暴家財。不患人將。所以
有所怙恃者。君也。今去指不為朕用。是異其教而非
朕所化之民。爾宜梟令籍沒其家。以絕狂夫。愚夫。倣
效之風。而伯啓無對。命法司詣本貫決之。嗚呼。當豪
傑亂起。暴兵橫作。挈家奔走。顧命之不暇。官軍近則

倭官軍亂雄近則依亂雄當此之時偶遇大難或逢
仗義之士能釋難全生於一時或保命於數月亦或
幾歲本人事雖不成勢屬他人其全生保命之恩再
生之德其夢寐於終身有所不忘其伯啓知朕代元
為君意有不然及其數至
天更歷代運祚其伯啓雖死默然而無恨是豈理乎
哉。

作詩誹謗第十一

嗚呼去古既遠賢聖遐迷姦臣賊子既多貪饕無厭
而仕者麻樹今之學仕者欠究至理之精所以京師

江寧縣知縣高炳以通經舉赴京師。其年太常司缺官人材至京者雖不少。朕憂奉

神之人必寡。其太常司官若非寅畏勤政之士。不足助朕以格

神。於是召諸儒來前。至列者甚廣。必欲以言知其所以。何下數千萬言交接而後知其人焉。若此。朕精神有限。對者詞多。豈能週遍而當乎。況特以言動其心者。使應之。欲辨利鈍。凡此人多。默然其賢愚。蓋不知矣。於是面選者多。時高炳已除工部員外郎。特見雍容之態在班。朕將以為篤實外貌。若此。心必亦然。奉

神必可於是選入太常。職少卿未久。作故而歸。又五年。以通經復至。命職江寧知縣。到任未久。非公而事。覺罪犯徒年。朕聞之。嗚呼。學雖通經。愚若是乎。昔者太常之役。不過竭誠心而常懷畏懼。率領齋郎人等周旋於

上帝后土。海嶽四瀆。山川社稷之神。各壇上下左右而已。人生一世。何幸獲此職分。對越

上帝神明。竭精誠以敬畏。以祈將來。不亦可乎。且四時之祭。定限不繁。官於是者。不過聲動人耳。其於筋骨之勞。杳然無施。但敬畏為務。如此可以效誠伸敬。

其高炳名雖志士衷實無神傲

天地而慢鬼神棄清高之職以有偽作故而歸復以經書來朝自造陷身之罪罪非死罪而敢褻慢妄出謗言以唐律作流言以示人獲罪而身亡家破嗚呼惜哉其高炳年已蒼顏於元不顯於我朝至官不能奮志以造民福反構殃以殺身設使奮志以造民福或牧守一郡之安或上助朕清寧寰宇豈不使志者及鄉里有識者以為嗟乎為何炳有若是之才當元正壯元君未識以為棄才今君用之晏安寰宇豈不隳人者也炳不能如是昔在元時志既不達今得選

用一槩自為之傾覆可謂之無藉之徒甚非儒者之學矣。

造言好亂第十二

嗚呼民有厭居太平好亂者考之於漢隋唐宋此等愚民累代有之嗚呼惜哉此等愚民累為造禍之源一一身死姓氏俱滅者多矣愚者終不自知或數十年數百年仍蹈前非且如元政不綱

天將更其運祚而愚民好作亂者興焉初本數人其餘愚者聞此風而思為之合共謀倡亂是等之家吾親目覩當元承平時由園宅舍桑果榆槐六畜俱備

衣糧不乏。老者孝子順孫尊奉於堂。壯者繼父交子
往之道。睦四鄰而和親親。餘無憂也。雖至貧者盡其
家之所有。貧有貧樂。縱然所供不足。或遇雨水愆期。
蟲蝗並作。并淫雨滂而不收。饑饉並臻。間有缺食而
死者。終非兵刃之死。設使被兵所逼。倉惶投崖趨火。
赴淵而歿。觀其窘於衣食而死者。豈不優游自盡者
乎。視此等富豪中戶下等貧難。聞作亂翕然而蜂起。
其亂雄異其教。造言以倡之。亂已倡行。衆已群聚。而
乃僞立名色。曰君曰帥。諸司官並皆倣置。凡以在外
者。雖是亂雄。用人之際。武必詢勇者。謀必詢智賢。必

尊德數等既拔其餘泛常非軍即民須聽命而役之。嗚呼當此之際其為軍也其為民也何異於居承平時。名色亦然差役愈甚且昔朕親見豪民若干中民若干窘民若干當是時恬於從亂一從兵後棄撤田園宅舍失翫桑棗榆槐挈家就軍老幼盡行隨軍營於野外少壯不分多少人各持刃趨凶父子皆聽命矣。與官軍拒朝出則父子兄弟同行暮歸則四喪其三二者有之所存眷屬衆多遇寒朔風凜凜密雪霏霏飲食不節老幼悲啼思歸故里不可得而歸。不半年不週歲男子俱亡者有之幼兒父母亦喪者有之。

如此身家滅者甚多矣。如此好亂者遭如此苦殃。歷代昭然。孰曾警省。秦之陳勝。吳廣。漢之黃巾。隋之楊玄感。僧向海明。唐之王僊芝。宋之王則等輩。皆係造言倡亂首者。比。

天福民斯等之輩。若烟消火滅矣。何故。蓋

天之道好還。凡為首倡亂者。致干戈橫作。物命損傷者。既多。比其事成也。

天不與首亂者。殃歸首亂。福在毀興。今江西有等愚民。妻不諫夫。夫不戒前人所失。夫婦愚於家。反教子孫。一槩念誦南無彌勒尊佛。以為六字。又欲造禍。以

殃鄉里。嗚呼。設若鼓倡計行。其良民被脅從而被誣。誤者甚不少矣。前者元朝驢兒差僧一名。詭名彭玉琳。又曰無用。其新淦等縣愚民楊文德等相從為之。比及緝捕盡絕同惡之徒。被生擒者數百名。所在殺死者又若干。眷屬流移他處。中途死者又若干。吁。詭名彭玉琳無用。乃元細作其新淦等縣人民楊文德等。輕同惡而相濟。累及良民。難於分豁者多矣。至於死地。以此觀之。豈不全家誅戮者也。今後良民凡有六字者。即時燒毀。毋存。毋奉。永保已安。良民戒之哉。

蘇州人材姚叔閔王謬二生皆儒學有人以儒者舉
于朝廷吏部行下蘇州府取赴京師朕欲擢用分理
庶務共造民福二生交結本府官吏張亨等暗作主
文老先生因循破調不行赴京以就官位而食祿匿
於本郡作害民之源事覺臬令籍沒其家嗚呼古者
士君子其學既成必君之用將老鄉無舉者以為耻
焉今二生名已在朝舉者訴以實學其二生以祿為
薄以酷取民財為厚故重主文貴老先生而為得計
以致殺身亡家嗚呼率土之濱莫非王臣成說其來
遠矣。寰中士夫不為君用是外其教者誅其身而沒

其家不為之過。

妄舉有司第十四

河南府新安縣主簿宋玘未任之先。經過洛陽縣店主宋二家。意欲再娶。到任後。憑本人為媒。娶王婆婆女為妻。就帶伊弟王福舟驢在家說事。過錢將積年害民老吏甄儀等不行起發。受鈔一百五十貫銀二十五兩。泯滅原卷姓名。投入井中。容留各吏在縣書寫害民本人。固自為非。其典史李繼業。因公會集耆民發放公事。既畢。特謂耆民劉汝興等一十三名曰。如今主簿朝廷拿去。爾眾耆宿赴京保奏去。耆民對

曰。不敢去。其典史恐民你不想主簿在前你納糧時主簿出帖與你赴潼關近處糴糧上倉。你想這意思也著去。你若不去。保奏主簿。我将納糧的緣故。即調你他處送納。耆老劉汶興等懼怕。回言去呵。去無盤纏。典史云。明日來我與你盤纏。及至衆老人明日赴縣。意在取討盤纏。并辭縣官。其本官閉門不出。令阜隸傳言。官人今日病。你老子每去自去。因此老人自備盤纏。徑赴京來。妄訴。嗚呼。朕將農民艱苦。周折備云前二誥中。其典史李繼業。終不惻隱於民。乃敢與主簿同惡相濟。又恐嚇耆民。然耆民劉汶興等見此。

惡黨不將典史李繼業拿赴京來。輒便聽從妄奏。其
徒流之罪。有所不免。

馮叡累貪不悛第十五

江西承宣布政使司左布政使馮叡。續誥檠彰。非為
今叡累貪不悛。致被法司問招明白。初止知叡盜布
政司庫內金銀錢物。每每應荅朝廷。多是以是飾非。
及其拿赴法司詢問。何人與謀。叡供盜庫錢物。係知
印陳昱教唆作弊。分鈔四千八百五十貫銀三百七
十兩。又承差熊釗教唆出脫。逃吏金臨夫。其逃吏南
昌府監禁在獄。本欲解赴京師。聽從承差熊釗教唆。

喚府官至布政司省令出脫得鈔一千七百貫銀二百兩其獻到任已及二年餘弊不稽止此二弊共分賊鈔六千五百五十貫銀五百七十兩若將餘弊盡行稽考賊不下萬數所在為官者觀獻貪謀豈不出深且秘神人不容由犯之速豈不戒哉

逃囚第十六

自郭桓掌戶部之時天下錢糧金銀匹帛不半年餘其桓弊盈寰宇其貪婪之徒聞桓之姦如水之趨下半年間弊若蜂起殺身亡家者人不計其數出五刑以治之挑筋剝指刖足髡髮文身罪之甚者歟君子

厭聞賢人惡聽智者格非庸庸無藉之徒輕生如此如黥刺者發充軍避荒往往帶黥刺而中途在逃有等押解者親覩罪囚黥刺形狀又不以為寒心接此囚錢物特意縱放中途在逃為大誥一出鄰里親戚有所畏懼其蘇松嘉湖浙東江東江西有父母親送子至官者有妻舅母舅伯叔兄弟送至京者多矣朕見親戚不忍罪囚再犯逃罪遭刑親送出官凡此等類不加刑責送著原發地所其有親戚影射四鄰擒獲到官者本人梟令田產入官人口發往化外如此者多矣有等鄰里亦行隱蔽不拿到官同其罪者亦

多矣。所在巡檢弓兵受財縱放越境而逃者。同其罪者不少。嗚呼。不才無藉。有如此耶。且如守邊軍士。關土開邊。功非淺淺。就留戍邊。永不敢回。孰敢違命而自由其犯法囚徒。不揣開邊之功如此。犯法充軍。何幸得此累惡不悛。初則本身犯罪。往往中途在逃。二次三次者有之。終不自省。直至家破人口流移化外。本身受殺而後已。

縣官求免於民第十七

北平布政司。永平府。灤州。樂亭縣主簿汪鐸等。設計害民。妄起夫丁。民有避難者。受財出脫之。每一丁要

續五匹。被高年有德耆民趙罕辰等三十四名幫縛赴京行間。有的當人說事人。管事人。何濬等十名。翻然改圖。格前非心。一同輔助耆老趙罕辰等四十四名。將害民工房吏張進等八名幫縛起行。去縣四十里。其縣官主簿汪鏐等。追趕求免。謂耆老言。我十四歲讀書。燈窗之勞至此。你可免我此番。休壞我前程。嗚呼愚哉。孰父母生此無藉不才之徒。官於是縣。是縣民瞻。今既不才為民所覺。乞憐哀免於耆民。縱然得免。何面目以居。是任嗚呼興言至此。雖非本人。凡聽讀者亦皆赧焉。賢人君子可不為之戒乎。

通送潘富第十八

民頑者莫甚於溧陽廣德建平宜興安吉長興歸安德清崇德蔣士魯等三百七戶。且如潘富係溧陽縣阜隸教唆官長貪賦壞法。自己挾勢持權。洪武十八年。知縣李臯係陝西人材。一到任後。與阜隸潘富等同謀害民。設計科斂。名色紛然。及其下鄉也。本人不行冠帶。徑與潘富等阜隸一般粧扮。頭戴宣帽。鄉民聞縣官至。耆民會而共迎。道傍待至。及其至也。衆驢者群然。耆民謂曰。縣官者何。傍曰。出阜隸一驢頭者。縣官也。民知官矣。本官豈止如此。自到任不月中間。

潘富用浸潤之計。將所取民財於蘇州買到女子一名。與本官為妻。就舍潘富家。本官於本家往來三五遭。然後潘富占恠此女。不與本官自行收要。本官亦莫誰何。潘富與諸吏教本官行害民計。著科荆杖。遍一溧陽所屬人民。盡要荆杖。及其有將荆杖至者。故推不好。不行收受。留難刁蹬。生事捶楚。民出錢矣。既得錢後。而乃荆杖息焉。為此民黃魯上章。朕親問之。遣人按治。情狀昭然。潘富在逃。境內民蔣士魯等一十三戶。不思潘富害民之首。自溧陽節次遞至廣德。蔣士魯係儒士。引導前行。至建平縣。拈踪追捕。建平

民王海三等潛遁復回溧陽。溧陽民朱子榮等暗遁至宜興。宜興民杭思鼎等暗遁至安吉。安吉民潘海私遁至長興。長興民錢弘真等遁至歸安。歸安民吳清甫等遁至德清。拈踪追及德清民趙罕仁。暗遁至崇德。崇德豪民趙真勝奴家盈數萬貲財。日集無藉之徒五十餘人在家。常川販賣私鹽。鄰里相朋者二百餘人。潘富遁於此家。追者至本戶。將潘富遁入千乘鄉僧寺。僧澄寂。周原善却將追捕者率領二百餘丁。終宵困逼。致被追者殺訖一名。殺傷一名。後天明而解去。追者回奏。將豪民趙真勝奴并二百餘家。

行抄沒持杖者盡皆誅戮。沿途節次遞送者一百七
戶盡行梟令抄沒其家。嗚呼見惡不拿意在同惡相
濟以致事發身亡家破。又何恨歟。所在良民推此以
戒狂心。聽朕言以擒姦惡不但去除民害身家無患
矣。

官吏長押賣囚第十九

各處為事囚徒有司或差吏員或弓兵或皂隸或長
押人等管解赴京此等之徒不知利害惟務貪賊中
途賣放者有之就於本處獄內賣放者有之似此姦
貪賣囚之徒屢常拿住刑之人各不畏其死犯者相

繼此誥一出敢有仍前賣放囚徒者本身處以極刑
籍沒家產人口遷于化外

巡關害民第二十

歙縣民吳慶夫買求本縣官吏充作巡關其家父子
兄弟於本處鄉村所在上持官府之威下懷肥己之
姦將鄉民程保家買到牛二隻農田著要稅錢二十
六貫民程保不敢與抗遂與之本家蓋房木料俱係
是本處山場土產其吳慶夫逼要稅錢八十貫販乾
魚客人至于本鄉著要稅錢准乾魚三十斤嗚呼民
人起蓋房屋居在萬山之中木植係是土產又係自

巴山場民人樂太平之年。起蓋房屋以安家眷。今吳慶夫如此生事攪擾民何得安耕牛二隻係是客商處買來。已有入官文契。又行著要二十六貫。其賣乾魚客人步挑至于深山去處能者挑百十斤。力中者八十斤。力小者六十斤。本人稅訖三十斤。又於遍處鄉村不問有無門店。一槩科要門攤。以此觀之。如此強豪。茲頑民何生理遂命法司差人押發原籍本人凌遲。其弟及男同惡害民。皆梟令示衆。今後為巡關者倚恃官威。剝盡民財罪亦如之。三十分中。定例稅一。豈有重疊再取者。今後敢有如此者。雖赦不宥。

著業牌第二十一

應天府上元縣知縣呂貞自到任以來並不將前所
廢官員姓名員數并所受殺身刑責以為推已之戒
本官任時大誥頒行民人一一遵守見丁著業其呂
貞將民王七所告見丁著業事內事盡行受財阻滯
嗚呼有司惟在宣布條章引民遵守民若欽遵實官
之福也呂貞所管上元一縣民該數萬頑惡豈無當
以至公之道化惡為善不致詞訟紛然盜賊消磨是
其宜也貞於公不行於私務作將見丁著業號令一
禁阻滯由是而獲罪殺身矣

醫人賣毒藥第二十二

醫人王允堅賣藥為生。錦衣衛受監者厨子王宗。自知罪不可逃。慮恐刃加于項。令家人買毒。王允堅即時賣與。隱飯中。入外監門者力士楊貴。受財放入。內監門力士郭觀。保驗出外監者。荒毒已到官。其外監者楊貴。說內監者易其毒。復說內監門者往賣藥。王允堅家恐要財物。王允堅拿至。以黑藥一丸授與王允堅。自吞服之久。毒不作。朕知易藥矣。謂允堅曰。當賣此藥。藥何顏色。允堅曰。紅丸。曰。幾枚。對曰。三枚。噫。毒本三丸。色本赤色。今藥一丸。色且黑色。捕送飯遞。

藥人至。爾買毒藥三九。何送一丸。對曰。藥本三九。何顏色。曰。赤。二丸尚存在家。於是急遣人取至。果赤色。令賣藥人王允堅吞服。本人持藥在手。顏色為之變。其態憂驚猶豫。未吞督之。乃服。既服之後。隨謂之曰。此藥以何料成。曰。砒霜巴豆飯粘為丸。硃砂為衣。曰。服後何時人喪。曰。半晝。語訖。允堅淚墮。朕謂曰。爾所以淒涼者。畏死如此乎。其妻如此乎。曰。一子見軍。一子在外。故悲焉。嗚呼。其王允堅初賣毒藥以毒人。不行反傾。推眷戀妻子之心。徑以毒藥毒人。及其自服也。藥方入腹。眷戀之情。畏死之道。一時發見。臨

呼愚哉。至此而若此。亦何濟哉。然終不以此藥致本
人之死。何故。若督令服此藥而死。是藥之也。解而後
刑之法也。隨問允堅。此毒還可解乎。曰。可。何物可。曰。
凉水。生豆汁。熟豆湯。可愈。朕謂曰。此解不速。餘何速
解。曰。糞清。搗凉水。糞清用多少。曰。一雞子可。於是遣
人取凉水半碗。糞清一雞子許。候至毒作。方與之解。
少頃。允堅身不自寧。手搔上下。腹四顛。眼神張皇。
朕謂曰。毒何爾患。曰。五臟不寧。心氣亂。謂曰。此毒
身死。傷何經絡。允堅對曰。五臟先壞。心氣亂矣。身墨黑。
謂曰。幾時可解。何時不解。曰。三時候不解。朕見毒與

令人與之解。本人痛利數番。其毒潔然。人復如初。明日梟令以正其罪。嗚呼。昔者古人制鹽。惟積陰。隲以生人。今之貨藥者。惟務生理。善能群隊。其藥不施。陰隲少有逆其意者。即群隊盡者有之。即時毒者有之。圖利而賣。與人傷生者有之。噫。如此不才者。犯法遭苦刑而殺身亡家者。非止一人而已。京師貨藥者。往往不戒。蹈襲前非。將柰之何。此誥一出。所在貨藥之人。聽朕言者。推己以及人。永為多福。不然。此刑此犯。有不可逃者。

安慶解課第二十三

安慶府將洪武十七年冬季魚課鈔三萬九百七十四貫差業戶徐應隆等管解赴京交納。本人解赴京師聚寶門河下覘視動靜。自十八年三月至十九年三月計一年之上不行進納。通同前戶部侍郎張易意在埋沒侵欺入己。其張易別為賦私已行提下。以致課程一向不曾入官。其望江縣吏汪誠接管本縣戶房事。撿驗得文案內有起解課程數目無實收入卷。本吏詢問本鈔在京師聚寶門河下隱蔽其吏徑赴京師面陳其情。朕將本吏擢為戶部司務。其作弊意在隱謾三萬課程鈔入己及至首發已自用過一

千一百二十三貫所以徐應隆等盡行治以死罪噫
忘生捨死偃兵息民闢土開邊如此功歸賞不過二
十萬文上者匹不過十表裏今此弊戶部試尚書茹
太素首銜張易公然作弊若無餘罪攪擾被監設使
無事而弊成張易為之弊首太素未知何如嗚呼如
許大錢糧豈有聯銜而忘其計者今張易被誅太素
曲法而免

團槽喂驢第二十四

北平布政司經歷董陵雲并府州縣官吏定酷害良
民計以情推之雖鬼神亦不忍聽聞必為之怒人何

不怨。且如大軍北行。朕所調之兵將及二十三萬。兩
兵合脚力。驢一頭。若使兵全至北平。驢該十萬有餘。
兵到者將及一半。十萬有餘。驢該五萬有零。朕仰觀
乾象。

上帝戒焉。罷舉兵歸。各衛驢留北平。命布民間。各戶
分養。甚便於民。莊農雖作生理。帶驢前去。羈絆於郊。
不甚妨人。亦無草料之費。其經度董陵雲與府州縣
官吏設計巧取民財。令民入邑。馬槽喂驢料。民必為
之艱。賂必至矣。嗚呼。苦哉。為民父母。當方面者。及牧
守一方者。不能造民福而造民禍。有若是耶。且驢在

野各戶分養草料不費人工不妨役令團槽每驢妨夫一名。出城取草歸家取料往復艱辛。且又設計於民。科歛棘針擅蓋牢牆。其姦計亦如溧陽科荆杖同患民之殃不可勝數。其官吏董陵雲等恬然不以民為艱。取財肥己。豈有天災人禍不至者耶。事覺梟令之見者戒之。推己以及人。毋蹈此非。

王子信害民第二十五

嗚呼。民頑難化。富者不能保其富。惟松江王子信頑惡為最。本人田地廣有佃戶極多。若將一年分受私租。本分自用。計其人口。豐衣美食。十年不能用盡。拱

武四年。驗戶點充糧長為事。免死刺發西河州充軍。至衛就於本衛交結官吏。後詐計多端。私逃還家。又行交結官吏。稱為軍身。常率佃戶四五十名。軍容粧扮。擾害鄉民。欺壓良善。事覺朝廷。遣人勾捉王子信。本人却將錢物累次買求。拿捉人多端。破調急不至京。及至勾至法司問間。姦偽無所逃。又乃設計以家人作親姪。擊登聞鼓。妄訴。又令妻妄訴數番。令人頂名到官。其詭詐非一十九年六月初五日。拿獲到官。於本貫梟令家財入官。田產籍沒。人口流移。嗚呼如此。富豪以巨富論之。王子信非上上。必上中。不居上。

下今無所不為頑不聽教執迷不化身亡家破已而後已嗚呼富者戒之

私牙醵民第二十六

軍民有違令而不從教者莫甚於應天府上元江寧兩縣民劉二等軍丁王九兒等一十四名先為天下府州縣及人煙輳集村店馬頭去處客商人等販賣物貨多被官私牙行等高擡低估刁蹬留難使客商不得其便商有強者本利無虧纔有淳良者皆被牙行所制本利俱傷亦且留難遲滯所以續誥頒行明彰禁治其劉二等暗出京師百里地名邊湖稱為牙

行恃強阻客以致拿縛赴京常枷號令至死而後已家遷化外此誥一出所在人民觀此以為自戒倘不奉命罪同劉二等

農吏第二十七

今後諸衙門官凡有公事能書者務必喚首領官於前或親口聲說首領官著筆或親筆白藁照行移格式為之然後農吏謄真署押發放吏本粘連卷宗點檢新舊驗看遲速知數目之精未嘗公事主謀在乎吏今往往正官首領官憑吏立意施行其事未嘗不墮於殺身者也此時姦貪猾吏已行不用惟以農人

役之凡百公事若吏無贓私一切字樣差訛與藁不同乃吏謄真之罪設若與藁相同主意乖違罪坐官長吏並不干。

揭籍點吏第二十八

吏部郎中劉煥等朕命揭黃冊照丁數點選吏人其應天府所屬六縣若每縣點選三二十名足勾使用多者六七十名十分備不缺矣其郎中劉煥等將溧水一縣選下有丁之戶五千餘家被給事中張衡奏發以溧水一縣較之於九州之郡若此僉點不下數十餘萬以為吏用何處安插為此拿下法司詢問為

何一縣點選若干。姦不能逃。實供在官。其詞曰。煥聞揭冊僉吏。故將有丁力之家。廣選書記姓名。聲出在外。故使民知。民畏為吏。必有賄賂。若此吏曹選吏之權。今得揭冊為之。其所賄賂甚非小小。嗚呼。前官屍未朽腐。受誅者血尚未乾。煥等一入吏曹。即蹈前非。是其難化也。

王錫等姦弊第二十九

禮部郎中王錫。係色目人。冒漢姓。而曰王錫。掌祠部事。凡大駕東宮王駕出入。并諸將征進。有所祭祀。牲口並屬本部收買。其王錫通同察院刑部子部光祿

司少卿屈圖南將斷沒猪羊暗地移文作收買破用其所支官鈔或數千或數萬抵下入已致被主事李顯各因事發訐出前姦其色目王錫公然肆姦招殺身之刑大誥遍布臣民初出未廣禮部且有一本員外郎尹巖時有讀色目王錫見之故藏匿其書亦被尹巖奏發嗚呼君子導人為善惟恐不善導之再三今色目王錫公然為惡見人為善惡人為善匿其誥使人不知誥已布天下矣何匿之有哉嗚呼愚夫為利之所迷將以姦狡為妙孰不知殺身速矣色目王錫由是而殺身矣

工匠頂替第三十

工作人匠將及九萬。往者為創造之初。百工技藝盡在京城。人人上不得奉養父母。下不得歡妻撫子。如此者二十六七年。近年以來。工多成就。人匠應合省差。朕為事繁一時不能打點其所任工部官吏。惟務貪饕。本無大工。假此作為由。將近九萬人設計勾差一千二千方勾到京。文案明立到京月日。實不與土工待一月後半月後方許土工。及至關安家鈔并月支食錢。照依文案所立月日。一槩關支鈔錠出庫。及其實匠也。或萬或千。或數千人止。論土工之日准工。

餘虛半月一月鈔雖關出諸色匠人不得如此姦弊諸匠雖關食錢安家錢工滿應放回還不即與批又行刁蹬留難直至將安家錢每月食錢勒要賄賂方纔放歸諸匠所得甚少近年以來愈見工減甚多無處役使匠人其工部官吏設計將諸色匠人勾至便賣得錢便放來者方到有錢賄賂即歸未到者連日發批勾取被賣去者到家都無半月親戚鄰里雖欲面會不能完全又乃起程似如此者九萬工技之人年年途者有之暫到京者有之方到家者亦有之無錢買囑終年被微工所役者有之嗚呼九萬工技

之人年年在途在京在家皆無寧息上廢朝廷之供
下殃百工技藝惟工部官吏肥已為奇智人君子深
察至此豈不恨哉九萬工技之人至如此艱難跋涉
不得休息朕命進士秦逵職工部侍郎掌行其事本
官到任未久識此姦詭甚多躬親來奏其辭曰創造
已定工技有勞甚久雖有此湏未完所用工匠甚不
湏多臣將應用數目立定限期編成班次使輪流而
相代之其九萬之人一班諸色匠人不滿五千以此
輪之四年有餘方輪一交朕見其詞善可其奏不月
編成除當該赴工者在京餘有八萬五千盡皆寧家

各奉父母。保守妻子。嗚呼甚矣哉。秦達為諸色匠人造福有如此乎。此係良謀良政。公當無移如此者。將一年餘。第四班匠心生姦計。侮慢朝廷。自取禍殃。朝廷既除多人。徒勞汎濫工役。減省用人。其諸技藝人等。必躬親赴工者。乃當人匠減少。所來者技藝不稍工。有所誤事。多遲滯責罰焉。人匠沈添二等二百七名。中有三名。乃親身赴役。餘皆以老羸不堪。幼懦難用。以代正身。致使工不能就。點出姦頑。將幼丁老者。盡發廣西充軍。復於家下務必要正身赴官如此者。自取不寧。又何恨哉。今後諸色匠人。敢有不親身

赴工者遷發雲南。

代人告狀第三十一

天下十三布政司良民極廣。其刁頑者雖有。惟江西有等頑民。姦頑到至極之處。變作癡愚。且如郭和卿告王迪淵等四十五名。皆係害民吏。卑隸豪民。及至提到其中二十名。皆實。一十八名係是虛告。惟劉弘道等七名。令原告當面互相訴訟。惟原告郭和卿默然無對。通政司官謂原告曰。何故不對原告。曰。和卿無可對。為甚麼無對。對曰。此等被告係是周繼奴。寄與我姓名數目。和卿就與寄告其狀。嗚呼。似此癡愚。

上侮朝廷下虐良民為害深重莫甚此徒十三布政司內除江西代人告狀如此愚民已行梟令處決數次今郭和卿不以前犯為懼公然代人告狀以致殺身亡家其餘布政司刁民雖有未見如此者

詭名告狀第三十二

自古民之訴訟者本為被人冤抑苦楚氣不能伸所以不得已訴之於官以求辯其曲直明其是非使冤伸而枉理未嘗有無冤妄訴故亂法度而煩官府者今蒸民中有等頑民其姦其詐不可勝言如處州松陽縣民楊均育本與葉惟宗冤讐不行明白具狀來

告却將葉惟宗姓名寫狀告其兄葉允名係積年老
吏弟葉允槐係逃軍及至法司差人將帶原告詣所
在勾提被告對問其原告已自在逃承差人詣本處
將原告姓名及被告人數照名提至松陽縣承差人
熟視非是帶去原告及至法司再三審問其拿至原
告葉惟宗曰惟宗自幼並不出鄉亦不曾赴京告狀
今所告之人係是惟宗兄弟與我並無讐隙可告法
司以聞特命釋之其葉惟宗曰惟宗雖蒙釋宥亦當
挨究告狀之人出獄後於京城行走間忽見鄉中熟
識楊槐兒曰你如何出來其葉惟宗以情告之熟識

曰。將你名字告狀的人。係是楊均育。本人見將伊母藥死圖賴告我。我於通政司前拿住。搜出本人身上狀草一紙。係是你名字告狀。其人見在本人因同拿赴都察院問招明白。凌遲處死。嗚呼。民有巧生姦計。欲以嫁禍於人者。有若是歟。其楊均育如此設計。自以為良。豈知神明撥置。不能害人。反以自害。使其安分守己。孰禍殃之相尋。今乃上干天憲。自取殺身。悔之何及。天下良民觀之。戒之。

有司逼民奏保第三十三

曩為天下有司衆多。其賢否朝廷一時不能盡知。所

以前頒二誥凡所在有司有能宣布條章撫吾民有
方者特許闔境高年有德耆民會議連名赴京奏保
使朕知賢今膠州官夏達可長子縣官趙才新安縣
官宋玘建昌縣官徐順等在任不以生民為意恣肆
為惡惟務贓貪害民事覺法司差人提取却乃公然
會集耆民逼令赴京妄行奏保且與耆民捏詞書記
教其熟讀用此面奏肆為欺罔其各各耆民自合忿
此姦貪害民之徒即時擒拿赴京陳其姦狀以憑賞
勞却不合聽受教唆即與同惡赴京面奏設若不識
誰准其面奏其歸把持公事各人日盛一日豈不

為民之巨害。柰何天理不容欺誑之情。一一自露。以致殺身亡家。人口遷于化外。雖悔何及。今後各處有司。若有姦貪之徒。平日害民。及至事覺。逼令耆民奏保者。爾耆民即便拿來。一則除爾良民之害。二則爾耆民無同惡之罪。且受重賞。豈不偉哉。其果有善政實蹟可言者。爾耆民自當如話會集。闔郡高年有德者。一同赴京奏保。庶幾循良者顯名。姦貪者斂蹟。爾耆民其敬聽朕言。毋忽。

民拿害民該吏第三十四

朕設府州縣官。從古至今。本為牧民。曩者所任之官。

皆是不才無藉之徒。一到任後，即與吏員卑隸不才者宿及一切頑惡潑皮，夤緣作弊，害吾良民多矣。以此無藉之徒，其貪何厭，其惡何已？若不禁止，民何以堪。此誥一出，爾高年有德耆民及年壯豪傑者，助朕安爾良民。若靠有司辯民曲直，十九年來未見其人。今後所在有司官吏，若將刑名以是為非，以非為是，被冤枉者，告及四隣，旁入公門，將刑房該吏拿來，赴京來。若私下和買諸物，不還價錢，將禮房該吏拿來。若賦役不均，差貧賣富，將戶房該吏拿來。若舉保人材，擾害於民，將吏房該吏拿來。若勾補逃軍，力士賣放。

正身拿解同姓名者鄰里衆證明白助被害之家將
兵房該吏拿來若造作科歛若起解輪班人匠賣放
將工房該吏拿來若民從朕命着實為之不一年之
間貪官汙吏盡化為賢矣為何以其良民自辯是非
姦邪難以橫作由是逼成有司以為美官其正官首
領官及一切人等敢有阻當者其家族誅

庫官收金第三十五

承運庫官李庭璉係通政司吏考滿得除承運庫官
掌管金帛前庫官范潮宗等偷盜庫藏財物身被刑
責非止一端吾見不才者貪心不已施五刑而不拘

常憲法外不忍見聞者。猶若干刑死者已死。刑餘不
死在庫以示再任者三人。想必見者寒心。必無犯者。
其李庭珪收輕齎金銀。設計偷盜金二十四兩。意在
深謀以愚朕心。將納金者每十兩多秤五錢。以百兩
計之。已出五兩。以千兩筭之。金出一錠。其所折之金
何下數千百兩。若終收不犯其所貪者。正該幾何。糧
長包賢等金已行收足。內多秤三十五兩。却與糧長
丁遵等設計故作刁蹬云。糧長包賢少金一釐五毫。
糧長徑入狀以奏。朕赧之一釐五毫。不能容民之欠。
果何道哉。明日按問李庭珪將所收本糧長金逐一

秤驗每十兩餘五錢將五錢較之一釐五毫果欠之
乎。況糧長包賢等所納金七百兩共餘三十五兩豈
有欠邪。其李庭珪特通糧長以此一釐五毫來奏料
此一釐五毫尚為欠數豈有收受不精而有弊者乎
其李庭珪之計豈不深謀者也。何犯之亦速。此作聰
明至極而有此耶。當在通政司時公座之官潔已奉
公李庭珪為吏官既公論其李庭珪無所作為終一
考吏役並無贓私得陞承運庫官此果李庭珪能守
而至此耶。正官能守而保全耶。此實通政司官成其
考也。今一得位而即喪可見小人非君子不能全其

命行者歟。

民違信牌第三十六

民有姦頑難治者如此往常為有司官吏動輒差人下鄉勾擾及官吏親自下鄉擾害其良民被不才官吏卓隸弓兵人等酷害至極無所伸訴以其恃以官威難以伸訴古人為官者務必便民冤者伸之枉者理之今不才官吏無故害眾成家害害吾民所以前編兩誥禁止不許官吏下鄉諸司亦不得差人勾擾凡有一切公務必合用民者止是遣牌前誥所云三牌不至方許遣人捉拿誥布天下有司遵奉如頑民

余永延等故行抗拒不服牌換三牌不至者二百五十一戶有司以狀來聞者數矣又最頑民人劉以能不止三牌不行倒將承差人幫縛赴京以致問出前情得罪甚不輕矣今後凡吾良民但凡有司牌至不問為何事務隨牌速赴衙門倘或官吏着令辦事諸等科差推派不均自合當官哀告以訴實情實情既訴若官吏不准生事留難或收入禁中或散羈在外不令還家致使有妨生理彼時赴京伸訴必罪有所歸今後良民欽遵朕命毋蹈惡人之非嗚呼禁官吏之貪婪以便民生其頑民乘禁侮慢官長及至禁民

以貴官吏其官吏貪心勃然而起其仁義莫知所在
嗚呼是其難治也

朋黨匯黨第三十七

朝廷設置學校教育生徒所以望實材之用而生徒
之為學者所以學乎立身事君之道自昔志士莫不
皆然故其任職罔徇親舊之私情恪守事君之大節
惟務造福於民所以顯身榮親垂名千古今監生中
有等姦頑不才之徒一得官位輒忘所學身名莫顧
惟務徇私作弊壞政亂法罪惡貫盈不可容誅如潘
行係金壇縣人由監生任樂安縣知縣周公煥係樂

安縣人由監生任太平府同知。丁憂回還樂安守制。其二人。比先在監實為同堂生員。周公煥有叔周德泰。原任旌德縣丞。為事刺面僥倖回家。叔姪二人。因時常於潘知縣家來往。說事過錢。縣民陳添用赴縣陳告。民人羅本中。係是胡惟庸行財之人。先被廖慶芳告發。已行用錢買息。本人懼怕黨事漏泄。因將財穀散與葉志和等五十八人。自後宰殺牲口。與各人寅夜商議。前往福建楊門菴。請給彭玉琳和尚旗號。回歸搶掠本都民人楊恩寺家錢穀。意在積糧接應。彭玉琳作亂。及見官軍剿捕。彭玉琳被獲。方纔止息。

觀此情狀其羅本中等係是舊逆餘黨今次懼罪及身又復倡謀作亂首禍殃民在法無赦知縣潘行不思此徒設若謀成其為殃禍誠非淺淺却乃徇私輒從周公煥叔姪并禮生耆宿曾原鼎等囑託接受羅本中等銀鈔賄賂聽其設計我今日教羅本中男羅伯彰來告陳添用強占有夫婦人等事相公可作比先日期題押便顯得陳添用狀是妄告及至著落里長體勘羅伯彰所告俱係涉虛其周公煥叔姪等又行設計與知縣潘行言說如今不如將陳添用只作積年民害解去便了因將陳添用并積年民害柳名

生等共一十三人。枷釘起程。繼即聞知陳添用齎擎大誥赴京伸訴。知縣潘行聲言上位如今也饒我三箇死罪。他終不告我四狀。然實恐陳添用告出前情。却差阜隸楊添召與同周德太趕至土名大嶺將陳添用脫放了。當其陳添用心。忿知縣徇情枉法。酷害良民。又行赴京告其不法。知縣潘行聞知。即喚弓兵胡士亨等到縣。着令狀供。管解陳添用等。行至進賢縣深山去處。有陳添用等將弓兵幫縛在樹。打開枷鎖。俱各逃走。如此捏詞具本。來奏以致事覺。嗚呼。昔人讀書。委身事君。尚有憂國而忘其家者。今潘行差

不思朝廷教育之恩。不知榮身立名之道。不能造福於民。惟匿朋友之私。迷於賄賂之得。乃敢匿告反之情。再三設計。陷害原告。如此同惡肆貪。朋姦罔上。罪怒神人。法不容宥。朕雖欲生之。其道無由。所以凌遲示衆。所在監生進士居官者。觀此以為大戒。立志成人於悠久。吉哉。

戴刑肆貪第三十八

古人制刑。所以禁姦止暴。使人視之而不敢犯。今有等姦貪頑惡之徒。視國法如尋常。受刑憲如飲食。雖身被重刑。殘及肢體。心迷賊私。恬不自畏。愈造殺身。

之計。如丹徒縣丞李榮中并應天府吏任毅等六名。
先為受贓五百七十五貫。賣放均工人夫一千二百
六十五名。法司鞫問情罪昭然。死不可逃。朕念此徒
惟知貪贓。勇不畏死。所以特命法司止將此徒各斷
十指。押回本處。將所賣人夫著勾赴工。使其流血呻
吟。備嘗苦楚。若果起到原賣人夫。豈不餘生可存。何
期此輩不體朕之至意。却謂先時已受各人財物。遂
匿其名。反將應免夫役鋪兵弓兵生員軍戶周善等
數百餘家。一槩遍鄉勾拿。動擾意在搪塞於內。又復
受財作弊。以致被擾之家。至京告出前情。嗚呼見利

忘生怙終不改。有如此耶。使其因受刑責。翻然改圖。將前所賣人夫一名。名從實勾解赴工。豈不復延餘喘於人。顧乃恃刑肆貪。自速其死。梟令之刑。宜其然乎。

御史劉志仁等不才第三十九

朝廷設置百官。分理庶務。於中恐有未當。所以特設御史司朕耳目。糾察百司。得以風聞言事。激濁揚清。號為風憲之官。士生何幸。獲居是任。自昔有志之士。雖位登宰輔。而先不得為御史者。於心終有未愜。其任可謂重矣。今朕設監察御史。任同乎古。往往由進

士監生即授是任。其中有等不才之徒，不知官之清要，不知職之在乎糾人，乃假御史之名，揚威脅眾，恣肆貪淫。如劉志仁、周士良二人，俱由監生擢任監察御史，為追問剋落課程等事。前往淮安暗行體察，明彰追問其劉志仁等，一到淮安，輒欲非為，恐為淮安大河二衛守禦官所覺，於是提取二衛卷宗查刷，查出二衛俱將積年害民卑隸人等二百六名收補軍役，心喜其弊聲言具奏實肆把持之術，並不以狀來聞。自是與衛官日相往來，飲酒遊獵，因得大肆貪婪之心。時常挾妓飲宴，並不將巡關陳五等原侵欺課

程追徵還官。却乃指以追賊為由。故縱巡闌誣指平民。帖下鄉村。遍邑科擾。又行客留里長鞠七等說事。過錢受銀一百五十兩。金三十四兩。鈔二萬五千二百貫。如此害民。豈止如此。乃敢將民人夏良等。故以指賊為由。拘收各人妻小。捶楚威逼。因而姦竊。如此妄為百端。以致事發。及至差錦衣衛千戶蔣福前去追提。其劉志仁等。自知罪不容誅。却用銀七十兩。金肆兩。鈔五十貫。紵絲四表裏。及綿布等物。買求本官。至京好言。欲以掩其罪惡。嗚呼。既已為惡事。已發露。方用取受之賊。轉賂於人。欲以求免。其可得乎。當其

設計之初。把持軍衛。然後肆惡貪淫。自以為不致敗露。豈知罪惡貫盈。神人共怒。罪將焉逃。所以劉志仁等。凌遲示衆。以快吾被害良民之心。凡百有官君子。觀之戒之。

排陷大臣第四十

嗚呼。自古人臣為國為民者。其忠為君。其仁為民。其忠仁之道。若非始終動

天地鬼神。使良民君子懷之。其始勤終怠者。奚足道哉。所以動

天地鬼神。良民君子懷之者。方可云何。謂姦邪無藉

者多。兼時君雜聽而無斷。忠臣難於效忠。難於布君之德。若非忠以格。

天。鬼神呵護於良臣。而固社稷。甚難。為人臣難於立名。嗚呼。甚哉。古今之姦邪。為國民之害。有若是耶。洪武二十年正月二十九日。通政司奏有來告者。言都御史受賂。命錦衣衛收繫奉人。朕親問之。明日錦衣衛引至告人宋紹三。朕謂紹三曰。爾何知微之密。曰。鄰監囚人許原者。不知紹三告許。本人親兄許昂。原乃謂紹三曰。你為何事入禁久矣。紹三回曰。告事甚多。不蒙發落。紹三亦謂原曰。你因何事而在禁。原曰。

我事不妨。兄許昂已囑到都御史熟識人王舍過銀
十箇。迭與本官。紹三聽知。為其久禁。特來告訴。朕謂
紹三曰。彼在禁之囚。盈牢千餘。桎禁囚稠。凡所賄賂
意欲脫難者。賂恐鬼神知。安敢與鄰囚互知。設使一
囚互知。不逾時盈牢者皆覺。今在禁者衆。其主囚御
史。愚鈍者多。貪財者廣。公明者少。致囚幾年。數月數
旬。數日。往往有之。非爾一而已。爾今來訴。無乃擅聽
人遺乎。紹三俛首託病甚。朕觀人情容貌。此設心矣。
命錦衣衛覓許原所在。隨詣原問。北平道索取許原。
御史任輝等云。本人已發戶部矣。即於戶部取索。已

部談吏言原已於正月二十八日身故朕聽所言噫
是設心矣其姦用計非淺淺哉何以見許原二十八
日死宋紹三二十九日具狀況許原本囚原犯欠糧
事追徵足備已於戶部無相干涉本道已行完結設
此計後強謂未審虛實推與戶部密令人藥死以絕
對問由是朕命錦衣衛著要北平道原問御史何祐
等及監送阜隸張榮并戶部看監禁子陳聰四該吏
孟敏朕為之親問略見情偽命雜推之明日問者來
告御史何祐任輝等皆妨賢病國之徒邪謀設計轉
折既多情理深重於是命中書翰林等官槩明情由

備開節次以告臣民。

一凌遲示衆四名

三名何祐任輝齊肅俱任北平道監察御史何
祐先為追問尤榮一告不應事內受鈔七
十貫銀十兩將一千人不曾提問被都御
史詹徽舉問又為編管小牢子遲慢被都
御史喝罵搶出因此懷恨於洪武十九年
十二月二十八日與同道御史任輝齊肅
商議會同各道御史魏卓等十八名言說
我前日為兩件事不停當被都御史當衆

辱詈。又奏了喫打。好生惶恐。受氣不過。如何是好。衆人回說。你且耐心。待尋得他些事。再做商量。至洪武二十年正月初十日。朝回。因邀魏卓等十八名至家喫茶。詐捏詞情。對各官言說。我本道有兩起原告。一名許昂。告曹為是胡黨。許昂不曾與曹為對證。徐阿真告莫糧長不法事。倒被發去充軍。只把這兩件事著人告他。受了銀子便了。各官回說。待各道人齊時。大家商量。至本月二十七日。拈又與衆御史言說。如

今我這裏有一名原告宋紹三告狀都院
五十日不與給批提人如今只放保著他
去通政司告准也由他不准也由他只說
道是許原教他去告如此捏詞排陷妨賢
蠹政

一名魏卓任四川道監察御史除同謀排陷都
御史事情與何祐相同外又欲提問太倉
衛指揮使孫茂其卓揣知本官係是勲舊
不行明白奏聞朦朧具本逸科給批將本
官一槩提取意在陷害勲臣及平日在道

問事。囚罪本有一分。輒增作二三分。文致其罪。其囚一分情真。增以二分。文飾無罅。意在獻能。希求陞用。故使是非混淆。如此亂政。

一同謀排陷罪在不宥姑容戴罪錄之在道問囚一十四名

一名喬鼎

任浙江道御史

一名張澤

任河南道御史

一名甘泉

任陝西道御史

一名鄭珣

任廣西道御史

一名張敏

任四川道御史

一名李子實

任浙江道御史

一名程士箴

任廣東道御史

一名程善

任山西道御史

一名茹太素

任福建道御史

一名鄭能

任山東道御史

一名傅弼

任浙江道御史

一名蔡用強

任湖廣道御史

一名丁麟

任江西道御史

一名趙恒

任江西道御史

拖欠秋糧第四十一

設置糧長。惟在催徵本區內一萬石稅糧。其稅糧俱係各戶自行辦納。本非難辦之事。自合依期納足。其糧長人等。却將各各人戶稅糧徵收入已。故意抵頑。遷延不納。直至下年秋熟。方纔將下年秋糧補納上。年欠數。蓋是姦臣胡陳并郭桓等在時倉廩不明。糧數不精。糧長人等慣於虛買實收。妄稱足備。自以為

得計。不知自洪武十八年以來。朕知其弊。特命戶部將各衙門歲用糧米。逐月分派。一月置倉一廩。一年置倉一十二廩。倉糧數目精明。難以仍前作弊。因此顯出姦頑。不納糧。糧長張時傑等一百六十名。身亡家破。今後糧長務要依期納足。如是仍蹈前非者一體治罪不赦。

驛丞害民第四十二

沅州黔陽縣安江驛丞李添奇。自洪武十五年到任。恣肆為非。害民非止一端。每月取要驛戶酒七十壺。茶油鹽各七斤。喂猪白粟米一石二斗。喂雞鵝鴨穀。

一石二斗及拘驛夫妻小到家紡織又擅拆官船改造作自己船隻裝載瓦器買賣豈止如此科歛驛夫銀鈔收買良民來興等三名作本家驅口占據驛夫五名在家使喚不行走適後權安江巡檢司違法做造生牛皮鞭身帶腰刀時常飛放擾民及生員齎擎詔書到司在外飛放不行迎接開讀如此慢君虐民神人共怒致被土民李子玉等率精壯拿獲赴京罪不可容所以斬趾枷令驛前所在驛官觀之戒之

頒行三誥第四十三

此誥前後三編凡朕臣民務要家藏人誦以為鑒戒

倘有不遵遷于化外的不虛示

大誥三編後序

臣聞昔列聖之馭宇必明綱常正法度使踰今賞罰絜然布于天下是以民無少長皆知教化之當從法度之當守所以民淳俗厚罔罹刑憲於是上契

天心三光明寒暑時海宇寧謐民樂雍熙至今照耀簡冊何其盛哉奈何三代以降漢晉唐宋之君因循為治先王之教日衰月替俗漸澆漓降及胡元以夷風制治先王之教華夏之風於是掃蕩無餘民俗愈偷可勝歎哉欽惟

皇上神聖文武受

天眷命統有天下十九年于茲深慕二帝三王之治

宵旰不遑欲丕變胡俗復我中國先王之治奈何賢為輔所以治之雖嚴而犯者自若

皇上深念從古至今無有不可變之俗無有不可化之民故於機務之隙特將官民過犯條成

二誥領示中外使民知所勸懲未幾民有從命者將所在姦惡之徒擒獲至京以除民患於是

皇上知斯民有從命之誠有可化之機所以至者特加賞勞以激勸之然而民狃於汙習雖暫革面猶未格心其中因法為弊者姦詐百生異乎尋常神明鑒察其情其罪卒莫能逃。

皇上復慮天下官民倣效成風自取刑戮特撥機務復條此誥使其知此姦此計罔能欺誑徒自殺身天下官民誠能體

皇上惓惓之心鑒此非為格心從化庶幾至治可興華風復振將見人有士行比屋可封享五

福於悠久。豈不美歟。臣叨備

侍從。目覩

皇上憂勤圖治之切。恐官民弗能悉知。不揣蕪陋。謹拜手稽首
書此于後云。洪武十九年冬十有二月二十五日。承務郎
左春坊左贊善臣劉三吾謹序。